

ПОСЛѢДОВАНИЕ ЧАСОВ, ПЕВАЕМЫХ В НАВЕЧЕРИИ РОЖДЕСТВА ХРИСТОВА.

ЧАС ПЕРВЫЙ

Царские часы совершаются при открытых царских вратах. Священник в епитрахили, фелони и, по традиции, в поручах, с Евангелием в руках (в предшествовании священносоца и диакона в облачении, с кадилом и свечой) выходит из алтаря через царские врата к поставленному посреди церкви напротив царских врат аналою. Обойдя вокруг аналоя, священносоец ставит свечу с его восточной стороны. Иерей, положив Евангелие на аналой, произносит начальный возглас 1-го часа:

Иерей: Благословен Бог наш, всегда, ныне и присно и во веки веков.

Чтец: Аминь. Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

ТРИСВЯТОЕ ПО ОТЧЕ НАШ:

Чтец: Святыи Боже, Святыи Крепкий, Святыи Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь. Господи, помилуй *(12 раз)*

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

С началом чтения псалмов иерей, в предшествовании диакона со свечой, совершает каждение: 1) вокруг аналоя с Евангелием, 2) затем кадит алтарь, 3) иконостас, 4) весь храм и народ, 5) Иконы у царских врат, 6) возвращаются к аналою с Евангелием. Иерей с диаконом остаются стоять у аналоя с Евангелием.

ПСАЛОМ 5:

Чтец: Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой: Заутра предстану Ти, и узриши мя. Яко Бог, не хотяй беззакония, Ты

еси, не приселится к Тебе лукавнуяй, ниже пребудут беззаконницы пред очима Твоима. Возненавидел еси вся, делающия беззаконие. Погубиши вся, глаголющия лжу, мужа кровей и льстива гнушается Господь. Аз же множеством милости Твоея вниду в дом Твой, поклонюся ко храму святому Твоему в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их, языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси, уповающи на Тя, во век возрадуются, и вселишися в них. И похвалятся о Тебе любящии Имя Твое. Яко Ты благословиши праведника, Господи, яко оружием благоволения венчал еси нас.

Псалом 44:

Отругну сердце мое слово благо, глаголю аз дела моя Царевы, язык мой – трость книжника скорописца. Красен добротою паче сынов человеческих, излился благодать во устнах Твоих, сего ради благослови Тя Бог во век. Препояши меч Твой по бедре Твоей, Сильне. Красотою Твоею и добротою Твоею и наляцы, и успевай, и царствуй истины ради, и кротости, и правды, и наставит Тя дивно десница Твоя. Стрелы Твоя изощрены, Сильне, людие под Тобою падут в сердца враг царевых. Престол Твой, Боже, в век века: жезл правости, жезл Царствия Твоего. Возлюбил еси правду и возненавидел еси беззаконие: сего ради помаза Тя, Боже, Бог Твой елеем радости паче причастник Твоих. Смирна, и стакти, и кассия от риз Твоих, от тяжестей слоновых, из нихже возвеселиша Тя. Дщери царей в чести Твоей. Предста Царица одесную Тебе, в ризах позлащенных одяна, преиспещрена. Слыши, Дщи, и виждь, и приклони ухо Твое, и забуди люди Твоя и дом отца Твоего, и возжелает Царь доброты Твоея: зане Той есть Господь Твой, и поклонишася Ему. И дщи Тирова с дары, лицу Твоему помолются богати людстии. Вся слава Дщере Царевы внутри, рясны златыми одяна и преиспещрена. Приведутся Царю девы в след Ея. Искренния Ея приведутся Тебе, приведутся в веселии и радовании, введутся в храм Царев. Вместо отец Твоих быша сынове Твой, поставиши я князи по всей земли. Помяну Имя Твое во всяком роде и роде. Сего ради людие исповедятся Тебе в век и во век века.

Псалом 45:

Бог нам прибежище и сила, Помощник в скорбех, обретших ны зело. Сего ради не убоимся, внигда смущается земля и прелагаются горы в сердца морская. Возшумеша и смятосхася воды их, смятосхася горы крепостию Его. Речная устремления веселят град Божий: освятил есть селение Свое

ВЫШНИЙ. Бог посреде его, и не подвижится, поможет ему Бог утро завтра. Смятшася языцы, уклоншася царствия, даде глас Свой ВЫШНИЙ, подвижется земля. Господь сил с нами, Заступник наш Бог Иаковль. Приидите и видите дела Божия, яже положи чудеса на земли. Отъемля брани до конец земли, лук сокрушит, и сломит оружие, и щиты сожжет огнем. Упразднитесь и разумейте, яко Аз есмь Бог: вознесуся во языцех, вознесуся на земли. Господь Сил с нами, Заступник наш Бог Иаковль.

Слава Отцу и Сыну и Святому Духу и ныне и присно и во веки веков. Аминь.

Аллилуия, аллилуия, аллилуия, слава Тебе, Боже. (Трижды)

Господи, помилуй. (Трижды)

Слава Отцу и Сыну и Святому Духу.

Хор или чтец: **ТРОПАРЬ ПРЕДПРАЗДНСТВА, ГЛАС 4:**

Написовашеся иногда со старцем Иосифом, яко от семени Давидова, в Вифлееме Мариам, чревоносящи безсеменное Рождение. Наста же время Рождества, и место ни единоеже бе обиталищу, но, якоже красная палата, вертеп Царице показашеся. Христос раждается прежде падший воскресити образ.

Чтец: **И ныне и присно и во веки веков. Аминь.**

Что Ты наречем, о Благодатная? Небо, яко возсияла еси Солнце Правды. Рай, яко прозябла еси цвет нетления. Деву, яко пребыла еси нетленна. Чистую Матерь, яко имела еси на святых Твоих объятиях Сына, всех Бога. Того моли спастися душам нашим.

ТРОПАРЬ, ГЛАС 8 (ОБЫЧНО СТИХИРНЫМ НАПЕВОМ):

Хор: **Вифлееме, уготовися, / благоукраситеся, ясли, / вертепе, прими: Истина прииде. / Сень мимотече, и Бог человеком от Девы явися, / вообразився якоже мы и обожив плоть. / Тем Адам обновляется, со Евою зовуще: // на земли благоволение явися спасти род наш. (Дважды)**

Чтец: **Бог от юга придет и Святой из Горы приосененныя чаши.**

ТРОПАРЬ, ГЛАС 3 (ОБЫЧНО СТИХИРНЫМ НАПЕВОМ):

Хор: **Ныне пророческое прорицание исполнится грядет, / тайно глаголющее: / и ты, Вифлееме, земле Иудова, / никакоже наречешия менши во владыках, / предуготовляющи вертеп: / из тебе бо ми изыдет Игумен языков во плоти, / от Девы Отроковицы Христос Бог, / Иже упасет люди Своя новаго Израиля: // дадим Ему вси величие.**

Чтец: **Господи, услышах слух Твой и убояхся; Господи, разумех дела Твоя и ужасохся.**

ТРОПАРЬ, ГЛАС 3(ОБЫЧНО СТИХИРНЫМ НАПЕВОМ):

Хор: Ныне пророческое прорицание исполнится грядёт,/ тайно глаголющее:/ и ты, Вифлеэме, земле Иудова,/ никакоже наречёшия мёнши во владыках,/ предуготовляючи вертёп:/ из тебе бо ми изыдет Игумен языков во плоти,/ от Дёвы Отроковицы Христос Бог,/ Иже упасёт люди Своя новаго Израиля;/ дадим Ему вси величие.

Чтец: Слава Отцу и Сыну и Святому Духу.

ТРОПАРЬ, ГЛАС 8(ОБЫЧНО СТИХИРНЫМ НАПЕВОМ):

Хор: Сия глаголет Иосиф к Дёве:/ Марие, что дело сие, еже в Тебе зрю?/ Недоумею, и удивляюся, и умом ужасаюся;/ отай убо от мене буди вскоре./ Марие, что дело сие, еже в Тебе вижу?/ За честь – срамоту, за веселие – скорбь,/ вместо еже хвалитися, укоризну ми принесла еси./ Ктому не терплю уже поношений человеческих, / ибо от иерей из Церкви Господни яко непорочную Тя приях, // и что видимое?

Чтец: И ныне и присно и во веки веков. Аминь.

ТРОПАРЬ, ГЛАС 8(ОБЫЧНО СТИХИРНЫМ НАПЕВОМ):

Хор: Сия глаголет Иосиф к Дёве:/ Марие, что дело сие, еже в Тебе зрю?/ Недоумею, и удивляюся, и умом ужасаюся;/ отай убо от мене буди вскоре./ Марие, что дело сие, еже в Тебе вижу?/ За честь – срамоту, за веселие – скорбь,/ вместо еже хвалитися, укоризну ми принесла еси./ Ктому не терплю уже поношений человеческих, / ибо от иерей из Церкви Господни яко непорочную Тя приях, // и что видимое?

Диакон: Вонмем.

Чтец: Прокимен, глас четвёртый: Господь рече ко Мне: Сын Мой еси Ты, Аз днесь родих Тя.

Хор: Господь рече ко Мне: Сын Мой еси Ты, Аз днесь родих Тя.

Чтец: Проси от Мене, и дам Ти языки достояние Твое, и одержание Твое концы земли.

Хор: Господь рече ко Мне: Сын Мой еси Ты, Аз днесь родих Тя.

Чтец: Господь рече ко Мне: Сын Мой еси Ты

Хор: Аз днесь родих Тя.

Диакон: Премудрость.

Чтец: Пророчества Михеина чтение.

Диакон: Вонмем.

Чтец: Тако глаголет Господь: и ты, Вифлеэме, доме Евфрафов, еда мал еси еже быти в тысящах Иудовых? Из тебе бо Мне изыдет Старейшина, еже быти в

князя во Израили, и исходи Егó из начáла от дней вéка. Сегó рáди даст я, до врéмене раждáющия родít, и прóчии от брáтий Егó обратятсá к сынóм Изрáилевым. И стáнет, и úзрит, и упасёт стáдо Своё крéпостию Госпóдь. И в слáве ймени Гóспода Бóга Своегó пребúдут, занé ныне возвелíчится дáже до конéц землí.

Диакон: Премúдрость.

Чтец: Ко Еврéем послáния святáго апóстола Пáвла чтéние.

Диакон: Вóннем.

Чтец: Мнóгочáстне и мнóгообрáзне дрéвле Бог, глагóлавый отцём во прорóцех.

В послéдок дний сих глагóла нам в Сýне, Егóже положи́ наследника всем, Ймже и вéки сотвори́. Йже Сый сияние слáвы и óбраз Ипостáси Егó, нося́ же вся́ческая глагóлом сýлы Своея́, Собóю очищéние сотвори́в грехóв нáших, сéде одеснýю Престóла велíчества на высóких. Толíко лúчий быв Áнгел, елíко преслáвнее пáче их наследствóва ймя. Кóму бо речé когдá от Áнгел: Сын Мой есý Ты, Аз днесь родíх Тя; и пáки: Аз бúду Емý во Отцá, и Той бúдет Мне в Сýна. Егдá же пáки ввóдит Перворóднаго во вселénную, глагóлет: и да поклóняются Емý вси Áнгели Бóжии. И ко Áнгелом úбо глагóлет: творя́й Áнгелы Своя́ дýхи и слугí Своя́ огонь паля́щ. К Сýну же: престóл Твой, Бóже, в век вéка, жезл прáвости, жезл Цáрствия Твоегó. Возлюбíл есý прáвду и возненавíдел есý беззакóние, сегó рáди помáза Тя, Бóже, Бог Твой елéем рáдости пáче причáстник Твоих. И пáки: в начáле Ты, Гóсподи, зёмлю основáл есý, и делá рукý Твоею́ суть небесá. Тá погíбнут, Ты же пребывáеши, и вся, я́коже рíза, обетшáют, и, я́ко одéжду, свиéши их, и изменя́тся; Ты же тóйжде есý, и лёта Твоя́ не оскудéют.

Иерей: Мир ти.

Чтец: И дýхови твоёмý.

Диакон: Премúдрость, прóсти, услы́шим Святáго Евáнгелия.

Иерей: Мир всем.

Хор: И дýхови твоёмý.

Иерей: От Матфéя Святáго Евáнгелия чтéние.

Хор: Сла́ва, Тебé, Гóсподи, сла́ва Тебé.

Диакон: Вóннем.

Иерей: Иисýс Христóво Рождествó сýще бе: обручénней úбо бýвши Мáтери Егó Марíи Иóсифови, прéжде дáже не снítися йма, обрётеся имúщи во чрéве от Дýха Свя́та. Иóсиф же, муж Ея́, прáведен сый и, не хотя́ Ея́ обличíти, восхотé тай пустíти Ю. Сия́ же емý помýслившу, се Áнгел Госпóдень во сне явíся емý, глагóля: Иóсифе, сýне Давíдов, не убóйся прияти Ма-риáм, жены́ твоея́: рóждшее бо ся в Ней от Дýха есть Свя́та. Родít же Сýна, и наречéши ймя

Ему Иисус. Той бо спасет люди Свой от грех их. Сие же все бысть, да сбудется реченное от Господа пророком, глаголющим: Се Дева во чреве примет и родит Сына, и нарекут имя Ему Еммануил, еже есть сказуемо, с нами Бог. Востав же Иосиф от сна, сотвори, якоже повеле ему Ангел Господень, и прият Жену свою. И не знаяше Ея, дондеже роди Сына Своего первенца, и нарече имя Ему Иисус.

Хор: Слава, Тебе, Господи, слава Тебе.

Чтец: Стопы моя направь по словеси Твоему и да не обладает мною всякое беззаконие. Избави мя от клеветы человеческия, и сохраню заповеди Твоя. Лице Твое просвети на раба Твоего и научи мя оправданием Твоим.

Да исполнятся уста моя хваления Твоего, Господи, яко да воспою славу Твою, весь день великолепие Твое.

ТРИСВЯТОЕ ПО ОТЧЕ НАШ:

Чтец: Святыи Боже, Святыи Крепкий, Святыи Безсмертный, помилуй нас. *(Трижды)*
Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь.

КОНДАК ПРЕДПРАЗДНСТВА, ГЛАС 3:

Хор: Дева днесь Превечное Слово в вертепе грядет родити неизреченно: ликуй, вселенная, услышавши, прослави со Ангелы и пастырьми хотящаго явитися Отроча Младо, Превечнаго Бога.

Чтец: Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, прими и наша в час сей молитвы и исправь живот наш к заповедем Твоим, души наша освяти, телеса очисти, помышления исправь, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их со-

блюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. (Трижды)

Слава Отцу, и Сыну, и Святому Духу и ныне, и присно, и во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: **Боже, ущедри ны и благослови ны, просвети лице Твое на ны и помилуй ны.**

Чтец: **Аминь.**

Иерей: **Христэ, Свете истинный, просвещаяй и освящаяй всякаго человека, грядущаго в мир, да знаменается на нас свет Лица Твоего, да в нем узрим Свет неприступный, и исправи стопы наша к деланию заповедей Твоих молитвами Пречистыя Твоея Матере и всех Твоих святых, аминь¹.**

ЧАС ТРЕТИЙ.

Чтец: **Приидите, поклонимся Цареву нашему Богу.**

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Во время чтения псалмов 3-го часа диакон (если нет, то иерей) совершает малое каждение храма: кадит 1) вокруг аналоя с Евангелием, 2) иконостас, 3) предстоятеля, 4) народ, 5) Иконы у царских врат, 6) возвращается к аналою с Евангелием. Иерей с диаконом остаются стоять у аналоя с Евангелием.

Псалом 66:

Чтец: **Боже, ущедри ны, и благослови ны, и просвети лице Твое на ны, и помилуй ны: познати на земли путь Твой, во всех языцех спасение Твое. Да исповедятся Тебе людие, Боже, да исповедятся Тебе людие вси. Да возвеселятся и да возрадуются языцы, яко судиши людем правотою и языки на земли наставиши. Да исповедятся Тебе людие, Боже, да исповедятся Тебе людие вси. Земля даде плод свой. Благослови ны, Боже, Боже наш. Благослови ны, Боже, и да убоятся Его вси концы земли.**

Псалом 86:

Основания Его на горах святых, любит Господь врата Сиона паче всех селений Иаковлих. Преславная глаголашася о тебе, граде Божий. Помяну Раав и Вавилона введущим Мя; и се иноплеменицы, и Тир, и людие Ефиопстии, сии быша тамо. Мати Сион речет: Человек и Человек родился в нем, и Той основа и Вышний. Господь повесть в писании людей и князей сих, бывших в нем. Яко веселящихся всех жилище в Тебе.

Псалом 50:

Помилуй мя, Боже, по велицей милости Твоей и по множеству щедрот Твоих, очисти беззаконие мое. Наипаче омый мя от беззакония моего и от

¹ В традиции Русской Церкви молитва 1-го часа произносится иереем, а молитвы прочих часов – чтецом.

грехá моего очисти мя. Яко беззаконие мое аз знаю и грех мой предо мною есть вина. Тебе единому согреших и лукавое пред Тобою сотворих. Яко да оправдишия во словесах Твоих и победиши внигда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся; омыши мя, и паче снега убелюся. Слуху моему даши радость и веселие, возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и Дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу – дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая, тогда возложат на олтарь Твой тельцы.

Слава Отцу и Сыну и Святому Духу и ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. (Трижды)

Господи помилуй. (Трижды)

Слава Отцу и Сыну и Святому Духу.

Хор или чтец: ТРОПАРЬ ПРЕДПРАЗДНСТВА, ГЛАС 4:

Написовашеся иногда со старцем Иосифом, яко от семени Давидова, в Вифлееме Мариам, чревоносящи безсеменное Рождение. Наста же время Рождества, и место ни единоеже бе обиталищу, но, якоже красная палата, вертеп Царице показашеся. Христос раждается прежде падший воскресити образ.

Чтец: И ныне и присно и во веки веков. Аминь.

Богородице, Ты еси лоза истинная, возрастившая нам Плод живота, Тебе молимся: молись, Владычице, со святыми апостолами помилovati души наша.

ТРОПАРЬ, ГЛАС 6:

Хор: Сей Бог наш, не вменится ин к Нему, / родивыйся от Девы, и с человеки поживе; / во яслех убогих / Сын Единородный лежащ видится человек / и пеленами повивается, иже славы Господь. / И волхвом звездá возвещает в Его поклонение. // И мы поим: Троице Свята́я, спаси души наша. (Дважды)

Чтец: **Бог от юга придет и Святый из Горы приосененныя чащи.**

ТРОПАРЬ, ГЛАС 8:

Хор: **Прежде Рождества Твоего,/ трепетно зряще таинство Твое, Господи,/ разумная воинства дивляхуся:/ якоже бо Младенец родится благоизволил еси,/ небо украсивый звездами,/ и во яслех безсловесных возлежиши,/ дланию содержаи всея земли концы./ Таковым бо смотрением уведено бысть милосердие Твое, Христе,// велия милость Твоя, слава Тебе.**

Чтец: **Господи, услышах слух Твой и убояхся; Господи, разумех дела Твоя и ужасохся.**

ТРОПАРЬ, ГЛАС 8:

Хор: **Прежде Рождества Твоего,/ трепетно зряще таинство Твое, Господи,/ разумная воинства дивляхуся:/ якоже бо Младенец родится благоизволил еси,/ небо украсивый звездами,/ и во яслех безсловесных возлежиши,/ дланию содержаи всея земли концы./ Таковым бо смотрением уведено бысть милосердие Твое, Христе,// велия милость Твоя, слава Тебе.**

Чтец: **Слава Отцу и Сыну и Святому Духу.**

ТРОПАРЬ, ГЛАС 3:

Хор: **Иосифе, рцы нам:/ како, Юже от святых приял еси,/ Деву непраздну приводиши в Вифлеем?/ Аз, рече, пророки испытах/ и, весть прием от Ангела, уверихся,/ яко Бога родит Марья несказанно;/ Емуже на поклонение волсви от востоков придут,/ с дары честными служаще.// Воплотивыйся нас ради, Господи, слава Тебе.**

Чтец: **И ныне и присно и во веки веков. Аминь.**

ТРОПАРЬ, ГЛАС 3:

Хор: **Иосифе, рцы нам:/ како, Юже от святых приял еси,/ Деву непраздну приводиши в Вифлеем?/ Аз, рече, пророки испытах/ и, весть прием от Ангела, уверихся,/ яко Бога родит Марья несказанно;/ Емуже на поклонение волсви от востоков придут,/ с дары честными служаще.// Воплотивыйся нас ради, Господи, слава Тебе.**

Диакон: **Вонмем.**

Чтец: **Прокимен, глас четвертый: Отроча родися нам, Сын, и дадеся нам.**

Хор: **Отроча родися нам, Сын, и дадеся нам.**

Чтец: **Егоже начальство бысть на раме Его.**

Хор: **Отроча родися нам, Сын, и дадеся нам.**

Чтец: **Отроча родися нам,**

Хор: **Сын, и дадеся нам.**

Диакон: Премудрость.

Чтец: Пророчества Варухова чтение.

Диакон: Вонмем.

Чтец: Сей Бог наш, и не приложится ин к Немю. Изобрете всяк путь художества, и даде и Иакову, отроку Своему, и Израилю, возлюбленному от Него. Посем же на земли явися и с человеки поживе. Сия книга повелений Божиих, и закон сый во веки; вси, держащиися ея, в живот внидут, оставивши же ю, умрут. Обратися, Иакове, и имися ея. Поиди к сиянию прямо света ея. Не даждь иному славы твоея и полезных тебе языку чуждему. Блажени есмы, Израилю, яко угодная Богу нам разумна суть.

Диакон: Премудрость.

Чтец: К Галатом послания святого апостола Павла чтение.

Диакон: Вонмем.

Чтец: Братие, прежде, пришествия веры, под законом стрегоми бехом, затворени в хотящую веру открытися. Темже закон пестун нам бысть во Христа, да от веры оправдимся. Пришедшей же вере, уже не под пестуном есмы. Вси бо вы сынове Божии есте верою о Христе Иисусе: елицы бо во Христа крестистесь, во Христа облекостесь. Несть иудей, ни еллин, несть раб, ни свободь, несть мужеский пол, ни женский: вси бо вы едины есте о Христе Иисусе. Аще ли вы Христовы: убо Авраамле семя есте и по обетованию наследницы.

Иерей: Мир ти.

Чтец: И духови твоему.

Диакон: Премудрость, прости, услышим Святого Евангелия.

Иерей: Мир всем.

Хор: И духови твоему.

Иерей: От Луки Святого Евангелия чтение.

Хор: Слава, Тебе, Господи, слава Тебе.

Диакон: Вонмем.

Иерей: Во днех оных изыде повеление от кесаря Августа написати всю вселенную. Сиеписание первое бысть, владащу Сириею Кириною. И идяху вси написатися, кождо во свой град. Взыде же и Иосиф от Галилеи из града Назарета во Иудею, во град Давидов, иже нарицается Вифлеем, зане быти ему от дому и отечества Давидова, написатися с Мариею, обрученною ему Женою, сущою непраздною. Бысть же, егда быша тамо, исполнишася дние родити Ей. И роди Сына Своего первенца, и повит Его, и положи Его в яслех, зане не бе им места во обители. И пастырие беху в тойже стране, бдяще, и стрегуще стражу ночную о стаде своем. И се Ангел Господень ста в них, и слава Господня осия их, и убояшася страхом велиим. И рече им Ангел: не бойтесь, се бо благовествую вам радость велию, яже будет всем людем, яко родися вам днесь Спас, иже есть Христос Господь, во граде Давидове. И се вам знамение: обрящете Младенца повита, лежаща в яслех. И внезапно бысть со Ангелом множество вой Небесных,

хвѣлящихъ Бѹга и глаголющихъ: слава въ Вышнихъ Бѹгу, и на землѣи миръ, въ челоуѣцехъ благоволеніе. И бысть, яко отыдоша отъ нихъ на Небо Ангели, и челоуѣцы пастырие рѣша другъ ко другу: прѣйдемъ до Вифлеѣма и видимъ глаголъ сей бывшій, егѹже Господь сказа намъ. И приидоша, поспѣшшеся, и обретоша Маріамъ же и Иѹсифа и Младѣнца, лежаща во яслехъ. Видевше же, сказаша о глаголе, глаголанномъ имъ о Отрочѣи Семъ. И вси слышавши дивѣшася о глаголаннхъ отъ пастырей къ нимъ. Маріамъ же соблюдаше вся глаголы сїя, слагаючи въ сѣрдцы Своѣмъ. И возвратишася пастырие, славяще и хвѣляще Бѹга о всехъ яже слышаша и видѣша, якоже глаголахо бысть къ нимъ.

Хор: Слава, Тебѣ, Господи, слава Тебѣ.

Чтецъ: Господь Богъ благословѣнъ, благословѣнъ Господь день дне, поспѣшитъ намъ Богъ спасеній нашихъ, Богъ нашъ, Богъ спасаѣти.

ТРИСВЯТОЕ ПО ОТЧЕ НАШ:

Чтецъ: Святѣй Бѹже, Святѣй Крепкій, Святѣй Безсмертнѣй, помилуй насъ. *(Трижды)*
Слава Отцу и Сыну и Святому Духу, и ныне и присно и во веки вековъ. **Аминь.**

Пресвятая Троице, помилуй насъ; Господи, очисти грѣхи наша; Владыко, прости беззаконія наша; Святѣй, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки вековъ. **Аминь.**

Отче нашъ, Иже еси на Небесехъ, да святится имя Твое, да придетъ Царствіе Твое, да будетъ воля Твоя, яко на Небеси и на землѣи. Хлебъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушение, но избави насъ отъ лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки вековъ.

Хор: Аминь.

КОНДАКЪ ПРЕДПРАЗДНСТВА, ГЛАСЪ 3:

Хор: Дѣва днесь Превѣчное Слово въ вертепѣ грядетъ родити неизреченно: ликуй, вселенная, услышавши, прослави со Ангелы и пастырьми хотящаго явитися Отроча Младо, Превѣчнаго Бѹга.

Чтецъ: Господи, помилуй. *(40 разъ)*

Иже на всякое время и на всякій часъ, на Небеси и на землѣи, покланяемый и славимый, Христѣ Бѹже, Долготерпеливе, Многоимлостиве, Многоблагоутробне, Иже праведныя любяи и грѣшныя милуяи, Иже вся зовый ко спасенію обещанія ради будущихъ благъ. Самъ, Господи, прими и наша въ часъ сей молитвы и исправи живѹтъ нашъ къ заповѣдемъ Твоимъ, души наша освяти, телеса очисти, помышления исправи, мысли очисти и избави насъ отъ всякаго скорби, золъ и болѣзней, оградѣ насъ святѣи Твоими Ангелы, да ополченіемъ ихъ соблюдаеми и наставляеми, достигнемъ въ соединеніе вѣры и въ разумъ неприступныя Твоея славы, яко благословѣнъ еси во веки вековъ, аминь.

Господи, помилуй. *(Трижды)*

Слава Отцу, и Сыну, и Святому Духу и ныне, и присно, и во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Молитвами святых отец наших, Господи, Иисусе Христе, Боже наш, помилуй нас.

Чтец: Аминь. Владыко Боже, Отче Вседержителю, Господи, Сыне Единородный, Иисусе Христе, и Святой Душе, едино Божество, едина сила, помилуй мя, грешного, и, имиже веши судьбами, спаси мя недостойного раба Твоего, яко благословен еси во веки веков, аминь.

ЧАС ШЕСТОЙ.

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Во время чтения псалмов 6-го часа диакон (если нет, то иерей) совершает малое каждение храма: кадит 1) вокруг аналоя с Евангелием, 2) иконостас, 3) предстоятеля, 4) народ, 5) Иконы у царских врат, 6) возвращается к аналою с Евангелием. Иерей с диаконом остаются стоять у аналоя с Евангелием.

Псалом 71:

Чтец: Боже, суд Твой цареву даждь и правду Твою сыну цареву: судити людем Твоим в правде и нищим Твоим в суде. Да восприимут горы мир людем и холми правду. Судит нищим людским, и спасет сыны убогих, и смирит клеветника. И пребудет с солнцем и прежде луны рода родов. Сидет, яко дождь на руну, и, яко капля, каплющая на землю. Возсияет во днех Его правда и множество мира, дондеже отыметса луна. И обладает от моря до моря и от рек до конец вселенныя. Пред Ним припадут ефиопляне, и врази Его персть полижут. Царие Фарсийстии и острови дары принесут. Царие Аравстии и Сава дары приведут. И поклонятся Ему вси царие земстии, вси языцы поработают Ему. Яко избави нища от сильна и убога, Емуже не бе помощника. Пощадит нища и убога и души убогих спасет. От лихвы и от неправды избавит души их, и честно Имя Его пред ними. И жив будет, и дастся Ему от злата аравийска, и помолются о Нем вину: весь день благословят Его. Будет утверждение на земли на версех гор, превознесется паче ливана плод Его. И процветут от града, яко трава земная. Будет Имя Его благословенно во веки, прежде солнца пребывает имя Его, и благословятся в Нем вся колена земная, вси языцы ублажат Его. Благословен Господь, Бог Израилев, творяй чудеса един. И благословено имя славы Его во век и в век века; и исполнится славы Его вся земля: буди, буди.

Псалом 131:

Помяни, Господи, Давида и всю кротость его. Яко клятятся Господеви, обеща́ся Бо́гу Иа́ковлю: а́ще вни́ду в селéние до́му моего́ или́ взы́ду на одр постéли моея́, а́ще дам сон очы́ма мойма, и ве́ждама мойма дрема́ние, и поко́й скраниа́ма мойма, до́ндеже обря́щу ме́сто Господеви, селéние Бо́гу Иа́ковлю. Се слы́шахом я во Евфра́фе, обрето́хом я в поля́х дубра́вы. Вни́дем в селéния Его́, поклони́мся на ме́сто, иде́же стоя́сте но́зе Его́. Воскресни́, Господи, в поко́й Твой, Ты и киво́т святы́ни Твоея́. Священни́цы Твой облеку́тся пра́вдою, и преподо́бнии Твой возра́дуются. Дави́да ра́ди раба́ Твоего́ не отврати́ лице́ пома́заннаго Твоего́. Кля́тятся Госпо́дь Дави́ду и́стиною и не отвер́жется ея́: от пло́да чре́ва твоего́ посажду́ на престо́ле твоём. А́ще сохра́нят сы́нове твой завет́ Мой и свидéния Моя́ сия́, и́мже научу́ я, и сы́нове их до ве́ка сядут на престо́ле твоём. Я́ко избра́ Госпо́дь Си́она, избво́ли и в жили́ще Себе́. Сей поко́й Мой во век ве́ка, zde вселю́ся, я́ко избво́лих и. Лови́тву его́ благословля́яй благословлю́, ни́щия его́ насыщу́ хле́бы. Священни́ки его́ облеку́ во спасéние, и преподо́бнии его́ ра́достью возра́дуются. Та́мо возвращу́ рог Дави́дови, угото́вах свети́льник пома́занному Моему́. Враги́ его́ облеку́ студо́м, на нёмже процветéт святы́ня Моя́.

Псалом 90:

Живы́й в по́мощи Вы́шняго, в кро́ве Бо́га Небе́снаго водвори́тся. Рече́т Господеви: заступ́ник мой еси́ и прибе́жище моё, Бог мой, и упова́ю на Него́. Я́ко Той изба́вит тя от се́ти ловчи́ и от словесе́ мяте́жна. Плещма́ Сво́йма осенит́ тя, и под криле́ Его́ наде́ешися, ору́жием обы́дет тя и́стина Его́. Не убой́шися от стра́ха но́щнаго, от стрелы́, летя́щая во дни, от ве́щи, во тме́ преходя́щая, от сря́ща и бе́са полуденнаго. Падéт от страны́ твоея́ ты́сяща и тма одесну́ю тебе́, к тебе́ же не прибли́жится. Обаче́ очы́ма тво́йма смóтриши и воздая́ние грешни́ков у́зриши. Я́ко Ты, Господи, упова́ние моё, Вы́шняго положи́л еси́ прибе́жище Твое́. Не придет́ к тебе́ зло, и ра́на не прибли́жится телеси́ твоему́. Я́ко А́нгелом Сво́им запове́сть о тебе́ сохра́нити тя во всех путéх тво́их. На рукахъ́ возмут́ тя, да не когда́ преткне́ши о ка́мень но́гу твою́. На а́спида и васили́ска настúпиши и попере́ши льва и зми́я. Я́ко на Мя́ упова́, и изба́влю и; покрýю и, я́ко позна́ и́мя Моё́. Воззо́вет ко Мне, и услы́шу его́; с ним есмь́ в ско́рби, изму́ его́ и просла́влю его́. Долгото́ю дней испо́лню его́ и явлю́ ему́ спасéние Моё́.

Сла́ва Отцу́ и Сы́ну и Свято́му Ду́ху и ны́не и прýсно и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. (Трижды)

Господи помилуй. (Трижды)

Сла́ва Отцу́ и Сы́ну и Свято́му Ду́ху.

Хор или чтец: **ТРОПАРЬ ПРЕДПРАЗДНСТВА, ГЛАС 4:**

Написовашеся иногда со старцем Иосифом, яко от семени Давидова, в Вифлееме Мариам, чревоносящи безсеменное Рождение. Наста же время Рождества, и место ни единоеже бе обиталищу, но, якоже красная палата, вертеп Царице показашеся. Христос раждается прежде падший воскресити образ.

Чтец: **И ныне и присно и во веки веков. Аминь.**

Яко не имамы дерзновения за премногия грехи наша, Ты иже от Тебе Родшагося моли, Богородице Дево, много бо может моление Матернее ко благосердию Владыки. Не презри грешных мольбы, Всечыстая, яко милостив есть и спасти могый, Иже и страдати о нас изволивый.

ТРОПАРЬ, ГЛАС 1 (ОБЫЧНО СТИХИРНЫМ НАПЕВОМ):

Хор: Приидите, вернии, возведемся Божественне/ и видим схождение Божественное свыше,/ в Вифлееме к нам явленне,/ и, умом очистившися, житие принесем добродетели,/ вместо мира предуготовляюще верно рождественныя входы,/ от душевных сокровищ зовуще:/ в Вышних слава Богу,/ сущему в Троице,/ Егоже ради в человецех благоволение явися,// Адама избавляя первородныя клятвы, яко человеколюбец. *(Дважды)*

Чтец: **Бог от юга придет/ и Святыи из Горы приосененныя чащи.**

ТРОПАРЬ, ГЛАС 4 (ОБЫЧНО СТИХИРНЫМ НАПЕВОМ):

Хор: Слыши, Небо, и внуши, земле,/ да подвижатся основания,/ да примут трепет преисподняя:/ яко Бог же и Творец в плотское одеяние здание,/ и Иже державною рукою создавый тварь,/ утробы зрится здание./ О, глубина богатства, и премудрости, и разума Божия/ Яко неиспытаны судьбы Его// и неизследованы пути Его.

Чтец: **Господи, услышах слух Твой и убояхся,/ Господи, разумех дела Твоя и ужасохся.**

ТРОПАРЬ, ГЛАС 4 (ОБЫЧНО СТИХИРНЫМ НАПЕВОМ):

Хор: Слыши, Небо, и внуши, земле,/ да подвижатся основания,/ да примут трепет преисподняя:/ яко Бог же и Творец в плотское одеяние здание,/ и Иже державною рукою создавый тварь,/ утробы зрится здание./ О, глубина богатства, и премудрости, и разума Божия/ Яко неиспытаны судьбы Его// и неизследованы пути Его.

Чтец: **Слава Отцу и Сыну и Святому Духу.**

ТРОПАРЬ, ГЛАС 5:

Хор: Приидите, христоноснии людие, да видим чудо,/ всякий разум ужасающее и обдержажее,/ и, благочестно воспевающе, вернии, поклонимся./ Днесь к Вифлеему непраздна сущи Дева приходит родити Господа,/ лица же Ангельстии предтекут./ И, сия виде, вопияше Иосиф обручник:/ что еже в Тебе странное таинство, Дево?// И како хочещи родити, Неискусобрачная Юнице?

И ныне и присно и во веки веков. Аминь.

ТРОПАРЬ, ГЛАС 5:

Приидите, христоноснии людие, да видим чудо,/ всякий разум ужасающее и обдержажшее,/ и, благочестно воспевающе, вернии, поклонимся./ Днесь к Вифлеему непраздна сущи Дева приходит родити Господа,/ лица же Ангельстии предтекут./ И, сия виде, вопияше Иосиф обручник:/ что еже в Тебе странное таинство, Дево?// И како хощеши родити, Неискусобрачная Юнице?

Диакон: Вонмем.

Чтец: **Прокимен, глас четвертый:** Из чрева прежде денницы родих Тя, клятсЯ Господь и не раскается.

Хор: Из чрева прежде денницы родих Тя, клятсЯ Господь и не раскается.

Чтец: Рече Господь Господеви моему: седи одесную Мене.

Хор: Из чрева прежде денницы родих Тя, клятсЯ Господь и не раскается.

Чтец: Из чрева прежде денницы родих Тя,

Хор: КлятсЯ Господь и не раскается.

Диакон: Премудрость.

Чтец: Пророчества Исаиина чтение.

Диакон: Вонмем.

Чтец: Приложі Господь глаголати ко Ахазу, глаголя: проси себе знамения у Господа Бога твоего во глубину или в высоту. И рече Ахаз: не имам просити, ниже искусити Господа. И рече Исаия: услышите убо, доме Давидов: еда мал вам труд даяти человеком, и како Господу труд даете? Сего ради даст Господь Сам вам знамение: се Дева во чреве приимет и родит Сына, и нарекут имя Его Еммануил; масло и мед иматъ снести, прежде неже уведети Ему или изволити лукавое, избереѣт благое: За не прежде, неже разумети Отрочати благое или злое, отринеѣт лукавая, избереѣт благое. И рече Господь ко мне: приими себе свиток нов, велик и напиши в нем писалом человеческим, еже скоро пленение сотвори корыстей, настояѣт бо. И свидетели мне сотвори верны человеки, Урию иерея, и Захарию, сына Варахиина. И приступих ко пророчице, и во чреве прият и родит сына. И рече мне Господь: нарцы имя ему, скоро плени и напрасно испроверзи. Зане прежде, неже разумети отрочати назвати отца или мать, приимет силу дамаскову и корысти самарийския прямо царю ассирийскому. С нами Бог, разумейте, языцы, и покаряйтеся. Услышите даже до последних земли, могущии, покаряйтеся, аще бо паки возможете и паки побеждени будете. И иже аще совет совещаѣете, разорит Господь, и Слово, еже аще возглаголете, не пребудет в вас, яко с нами Бог.

Диакон: Премудрость.

Чтец: Ко Евреем послания святого апостола Павла чтение.

Диакон: Вонмем.

Чтец: В начале Ты, Господи, землю основал еси, и дела рук Твоею суть Небеса. Та погибнут, Ты же пребываеши, и вся, якоже риза, обетшают, и, яко одежду, свиеши их, и изменятся, Ты же тойжде еси, и лета Твоя не оскудеют. Кому же от Ангел рече когда: седи одесную Мене, дондеже положу враги Твоя под нозии ног Твоих. Не вси ли суть служebníи души, в служение посылаеми за хотящих наследовати спасение? Сего ради подобает нам лишьше внимати слышанным, да не когда отпаднем. Аще бо глаголанное Ангелы слово бысть известно и всяко преступление и ослушание, праведное прият мздовоздаяние. Како мы убежим, о толце нерадивше спасении, еже зачало приемше, глаголатися от Господа слышавшими в нас известися?

Иерей: Мир ти.

Чтец: И духови твоему.

Диакон: Премудрость, прости, услышим Святого Евангелия.

Иерей: Мир всем.

Хор: И духови твоему.

Иерей: От Матфея Святого Евангелия чтение.

Хор: Слава, Тебе, Господи, слава Тебе.

Диакон: Вонмем.

Иерей: Иисусу рождшуся в Вифлееме Иудейстем во дни Ирода царя, се волсви от восток приидоша во Иерусалим, глаголюще: где есть рождейся Царь Иудейский? Видехом бо звезду Его на востоце и приидохом поклонитися Ему. Слышав же, Ирод царь смутися, и весь Иерусалим с ним. И собрав вся первосвященники и книжники людския, вопрошаше от них: где Христос раждается? Они же рекоша ему: в Вифлееме Иудейстем; тако бо писано есть пророком: и ты, Вифлееме, земле Иудова, ничимже меньше еси во владыках Иудовых, из тебе бо изыдет Вождь, иже упасет люди Моя Израиля. Тогда Ирод тай призвал волхвы и испытоваше от них время явльшиися звезды. И, послав их в Вифлеем, рече: шедше, испытайте известно о Отрочати; егда же обрящете, возвестите ми, яко да и аз, шед, поклонюся Ему. Они же, послушавше царя, идоша. И се звезда, юже видеша на востоце, идяше пред ними, дондеже, пришедше, ста верху, идеже бе Отроча. Видевше же звезду, возрадовашася радостию великою зело. И, пришедше в храмину, видеша Отроча с Мариею, Материю Его, и, падше, поклоняшася Ему, и, отверзше сокровища своя, принесоша Ему дары, злато, и ливан, и смирну. И, вель приемше во сне, не возвратитися ко Ироду, иным путем отидоша во страну свою.

Хор: Слава, Тебе, Господи, слава Тебе.

Чтец: Скоро да предварят ны щедроты Твоя, Господи, яко обнищавом зело; помози нам, Боже, Спасе наш, славы ради Имене Твоего, Господи, избави нас и очисти грехи наша, Имене ради Твоего.

ТРИСВЯТОЕ ПО ОТЧЕ НАШ:

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас. *(Трижды)*
Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.
Пресвята́я Троице, поми́луй нас; Го́споди, очисти грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене Твоего́ ра́ди.
Го́споди, поми́луй. *(Трижды)*
Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.
О́тче наш, И́же еси́ на Небесе́х, да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́ и на землі. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникóм на́шим; и не введи́ нас во искуше́ние, но изба́ви нас от лука́ваго.

Иерей: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прісно и во ве́ки веко́в.

Хор: Ами́нь.

КОНДАК ПРЕДПРАЗДНСТВА, ГЛАС 3:

Хор: Де́ва днесь Преве́чное Сло́во в верте́пе гряде́т роди́ти неизрече́нно: лику́й, вселе́нная, услы́шавши, просла́ви со А́нгелы и па́стырьми хотя́щаго яви́тися Отроча́ Мла́до, Преве́чнаго Бо́га.

Го́споди, поми́луй. *(40 раз)*

И́же на вся́кое вре́мя и на вся́кий час, на Небеси́ и на землі, покланя́емый и сла́вимый, Христé Бо́же, Долготерпели́ве, Многоми́лостиве, Многоблагоутро́бне, И́же пра́ведныя любя́й и грешны́я ми́луй, И́же вся зовы́й ко спасе́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живóт наш к за́поведем Твои́м, ду́ши на́ша освяти́, телеса́ очисти́, помышле́ния испра́ви, мы́сли очисти́ и изба́ви нас от вся́кия ско́рби, зол и болéзней, огради́ нас святы́ми Твои́ми А́нгелы, да ополче́нием их соблюда́еми и наставля́еми, дости́гнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Го́споди, поми́луй. *(Трижды)*

Сла́ва Отцу́, и Сы́ну, и Свято́му Ду́ху и ны́не, и прісно, и во ве́ки веко́в, ами́нь.

Честне́йшую Херувим и сла́внейшую без сравне́ния Серафим, без истле́ния Бо́га Сло́ва ро́ждшую, су́щую Богородицу, Тя велича́ем.

И́менем Господним благослови́, о́тче.

Иерей: Моли́твами святы́х оте́ц на́ших, Го́споди, Иису́се Христé, Бо́же наш, поми́луй нас.

Чтец: Ами́нь.

Бо́же и Го́споди сил и всея́ тва́ри Сodéтелю, И́же за милосе́рдие безприкла́дныя ми́лости Твоея́ Единоро́днаго Сы́на Твоего́, Го́спода на́шего Иису́са

Христа́, низпосла́вый на спасе́ние ро́да на́шего, и честны́м Его́ Кресто́м рукописа́ние грех на́ших растерза́вый, и победи́вый тем нача́ла и вла́сти тьмы. Сам, Влады́ко Человеколю́бче, приими́ и нас, грешных, благодарственныя сия́ и моле́бныя моли́твы и изба́ви нас от всякаго всегуби́тельного и мра́чнаго прегреше́ния и всех озло́бити нас и́щущих ви́димых и неви́димых враг. Пригвозди́ стра́ху Твоему́ плоти́ на́ша и не уклони́ серде́ц на́ших в словеса́ или́ помышле́ния лука́вствия, но любóвию Твоею́ уязви́ ду́ши на́ша, да, к Тебе́ всегда́ взира́юще и е́же от Тебе́ све́том наставля́еми, Тебе́, непристу́пнаго и присносу́щнаго зря́ще Све́та, непреста́нное Тебе́ испове́дание и благодаре́ние возсыла́ем, Безнача́льному Отцу́ со Единоро́дным Твои́м Сы́ном и Всесвяты́м, и Благо́гим, и Животворя́щим Твои́м Ду́хом ны́не, и прýсно, и во ве́ки веко́в, ами́нь.

ЧАС ДЕВЯТЫЙ.

Приидите, поклонимся Царéви на́шему Бо́гу.

Приидите, поклонимся и припаде́м Христу́, Царéви на́шему Бо́гу.

Приидите, поклонимся и припаде́м Самому́ Христу́, Царéви и Бо́гу на́шему.

С началом чтения псалмов диакон (если нет, то иерей), совершает полное каждение: 1) вокруг аналоя с Евангелием, 2) затем кадит алтарь, 3) иконостас, 4) весь храм и народ, 5) Иконы у царских врат, 6) возвращается к аналою с Евангелием. Иерей с диаконом остаются стоять у аналоя с Евангелием.

Псалом 109:

Рече́ Господь Господеви моему́: седи́ одесну́ю Мене́, донде́же положу́ враги́ Твоя́ подно́жие ног Твои́х. Жезл си́лы по́слет Ти Господь от Си́она, и господствуй́ посреде́ врагов Твои́х. С Тобо́ю нача́ло в день си́лы Твое́я, во све́тлостех святы́х Твои́х. Из чре́ва пре́жде Денни́цы роди́х Тя. Кля́тсЯ Господь и не раскáется, Ты Иерей во век, по чи́ну Мелхиседе́кову. Господь одесну́ю Тебе́ сокруши́л есть в день гне́ва Своего́ царя́. Су́дит во язы́цах, испо́лнит паде́ния, сокруши́т главы́ на земли́ мно́гих. От пото́ка на пу́ти пиет, сегó ра́ди вознесёт главу́.

Псалом 110:

Испове́мся Тебе́, Господи, всем се́рдцем мои́м в сове́те пра́вых и со́нме. Ве́лия дела́ Господня́, изы́скана во всех во́лях Его́. Испове́дание и велико́лепие де́ло Его́, и пра́вда Его́ пребыва́ет в век ве́ка. Па́мь сотвори́л есть чуде́с Свои́х, ми́лостив и щедр Господь: пи́щу даде́ боя́щимся Его́, помяне́т в век завет Свой. Кре́пость дел Свои́х возвести́ лю́дем Свои́м, да́ти им досто́яние язы́к. Дела́ рук Его́, и́стина и суд: ве́рны вся за́поведи Его́, утверже́ны в век ве́ка, сотворе́ны во и́стине и правоте́. Избавле́ние посла́ лю́дем Свои́м, запове́да в век завет Свой, свято́ и стра́шно И́мя Его́. Нача́ло прему́дрости – страх Господень, ра́зум же благ всем творя́щим и. Хвала́ Его́ пребыва́ет в век ве́ка.

Псалом 85:

Приклони, Господи, ухо Твое и услыши мя, яко нищ и убог есмь аз. Сохрани душу мою, яко преподобен есмь; спаси раба Твоего, Боже мой, уповающего на Тя. Помилуй мя, Господи, яко к Тебе воззову весь день. Возвесели душу раба Твоего, яко к Тебе взях душу мою. Яко Ты, Господи, благ, и кроток, и многомилостив всем, призывающим Тя. Внуши, Господи, молитву мою и вонми гласу моления моего. В день скорби моея возвах к Тебе, яко услышал мя еси. Несть подобен Тебе в бозех, Господи, и несть по делом Твоим. Все языцы, елики сотвори еси, придут, и поклонятся пред Тобою, Господи, и прославят Имя Твое, яко велий еси Ты и твори чюдеса, Ты еси Бог един. Настави мя, Господи, на путь Твой, и пойду во истине Твоей: да возвеселится сердце мое бояться Имене Твоего. Исповемся Тебе, Господи Боже мой, всем сердцем моим и прославлю Имя Твое в век. Яко милость Твоя велия на мне, и избавил еси душу мою от ада преисподнейшаго. Боже, законопреступницы восташа на мя, и сонм державных взыскаша душу мою и не предложаша Тебе пред собою. И Ты, Господи Боже мой, щедрый и милостивый, долготерпеливый, и многомилостивый, и истинный, призри на мя и помилуй мя, даждь державу Твою отроку Твоему и спаси сына рабы Твоея. Сотвори со мною знамение во благо, и да видят ненавидящие мя и постыдятся, яко Ты, Господи, помог ми и утешил мя еси.

Сотвори со мною знамение во благо, и да видят ненавидящие мя и постыдятся, яко Ты, Господи, помог ми и утешил мя еси.

Слава Отцу и Сыну и Святому Духу и ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. (Трижды)

Господи помилуй. (Трижды)

Слава Отцу и Сыну и Святому Духу.

Хор или чтец:

ТРОПАРЬ ПРЕДПРАЗДНСТВА, ГЛАС 4:

Написовашеся иногда со старцем Иосифом, яко от семени Давидова, в Вифлееме Мариам, чревоносящи безсеменное Рождение. Наста же время Рождества, и место ни единоеже бе обиталищу, но, якоже красная палата, вертеп Царице показашеся. Христос раждается прежде падший воскресити образ.

Чтец: И ныне и присно и во веки веков. Аминь.

Иже нас ради рождейся от Девы и распятие претерпев, Благий, испровергий смертью смерть и воскресение явлей яко Бог, не презри, яже создал еси рукою Твоею. Яви человеколюбие Твое, Милостиве. Приими рождшую Тя Богородицу, молящуюся за ны. И спаси, Спасе наш, люди отчаянные.

ТРОПАРЬ, ГЛАС 7 (ОБЫЧНО СТИХИРНЫМ НАПЕВОМ):

Хор: Удивляешься Йрод,/ зря волхвѡв благочестие,/ и, гнѣвом побеждаемь,/ лѣта испыташе разстоянїа;/ матери безчадствуемы бываху,/ и безвременный вѡзраст младенцев горце пожинашеся,/ сосцы ссыхахуся,/ и истѡчницы млѣчнии удержавахуся,/ велие бяше лютое./ Тѣмже благочестно, вѣрнии, сошѣдшеся, // поклонимся Христову Рождеству. *(Дважды)*

Чтец: **Бог от юга придет и Святый из Горы приосененныя чащи.**

ТРОПАРЬ, ГЛАС 2:

Хор: Егда Иосиф, Дѣво, печалию уязвляшеся,/ к Вифлеѣму идя, вопіяла еси к нему:/ что́ Мя зря непраздну дряхлуеши и смущаешися,/ не ведый всяко еже во Мне страшнаго таинства?/ Прѡчее отложї страх всяк, преславное познавая:/ Бог бо низходит на зѣмлю мѣлости ради,/ во чрѣве Моѣм ныне аще и плоть прїят./ Егѡже, раждаема, узриши, якоже благоизволи,/ и, радости исполнився, поклонишися яко Зиждителю твоѣму,/ Егѡже Ангели поют непрестанно // и славословят со Отцѣм и Духом Святѣм.

Чтец: **Господи, услышах слух Твой и убояхся; Господи, разумѣх дела Твоя и ужасѡхся.**

ТРОПАРЬ, ГЛАС 2:

Хор: Егда Иосиф, Дѣво, печалию уязвляшеся,/ к Вифлеѣму идя, вопіяла еси к нему:/ что́ Мя зря непраздну дряхлуеши и смущаешися,/ не ведый всяко еже во Мне страшнаго таинства?/ Прѡчее отложї страх всяк, преславное познавая:/ Бог бо низходит на зѣмлю мѣлости ради,/ во чрѣве Моѣм ныне аще и плоть прїят./ Егѡже, раждаема, узриши, якоже благоизволи,/ и, радости исполнився, поклонишися яко Зиждителю твоѣму,/ Егѡже Ангели поют непрестанно // и славословят со Отцѣм и Духом Святѣм.

Встав перед центральным аналоем, читает возгласно всю стихирѹ, глас 6:

Чтец: Днесь раждается от Дѣвы рукою всю содержай тварь, пеленами, якоже зѣмен, повивается, Йже существѡм неприкосновенен Бог. В яслех возлежит утвердивый Небеса словом в началех, от сосцев млеко́м питается, Йже в пустыни манну одождивый людем, волхвы призывает Жених церковный, дары сих приѣмлет Сын Дѣвы. Покланяемся Рождеству Твоѣму, Христе; покланяемся Рождеству Твоѣму, Христе; покланяемся Рождеству Твоѣму, Христе: покажи нам и Божественная Твоя Богоявления.

Диакон: Великому Господину и Отцу нашему Святѣйшему Патриарху Московскому и всея Руси Кириллу, Священному Синоду, Преосвященным Митрополитом, Архиепископом и Епископом, и Господину нашему, *(высоко-)* Преосвященнейшему *(имя)*, *(митрополиту или архиепископу)* епископу *(титул)*,

настоятелю святáго хра́ма сегó, и все́му освященному собóру, богохрани́мей странé нáшей, вла́стем и вóинству ея́ мно́га лéта!

Хор: **Мно́гая лéта. (Трижды)**

Диакон: **Всем правосла́вным христиа́ном пода́ждь, Гóсподи тишинú и благодéнствие и изобóлие пло́дов земных, и мно́га лéта!**

Хор: **Мно́гая лéта (Трижды)**

Хор: **Сла́ва Отцу́ и Сы́ну и Свято́му Ду́ху и ны́не и прýсно и во ве́ки веко́в. Ами́нь.**

СТИХИ́РА, ГЛАС 6:

Хор: **Днесь ражда́ется от Дéвы руко́ю всю содержа́й тварь,/ пелена́ми, я́коже зéмен, повива́ется,/ Ё́же существóм неприкосновéнен Бог./ В я́слех возлеж́ит утверд́ивый Небеса́ слóвом в нача́лах,/ от сосце́в млеко́м пита́ется, Ё́же в пус-ты́ни ма́нну одожд́ивый лю́дем,/ волхвы́ призыва́ет Жен́их церкóвный,/ да́ры сих приéмлет Сын Дéвы./ Покланя́емся Рождеству́ Твоему́, Христе;/ покла-ня́емся Рождеству́ Твоему́, Христе;/ покланя́емся Рождеству́ Твоему́, Христе:// покаж́и нам и Божéственна Тво́я Богоявлéния.**

Диакон: **Вóннем.**

Чтец: **Прокимен, глас четвёртый:**

Ма́ти Сио́н рече́т: Чело́век, и Чело́век роди́ся в нем.

Хор: **Ма́ти Сио́н рече́т: Чело́век, и Чело́век роди́ся в нем.**

Чтец: **Основа́ния Егó на гора́х святы́х.**

Хор: **Ма́ти Сио́н рече́т: Чело́век, и Чело́век роди́ся в нем.**

Чтец: **Ма́ти Сио́н рече́т: Чело́век,**

Хор: **И Чело́век роди́ся в нем.**

Диакон: **Премúдрость.**

Чтец: **Проро́чества Иса́иина чтéние.**

Диакон: **Вóннем.**

Чтец: **Отроча́ роди́ся нам, Сын, и даде́ся нам, Егóже нача́льство бысть на ра́ме Егo; и нарица́ется Ё́мя Егó: Вели́каго Совета́ А́нгел, чу́ден Советник, Бог Кре́пок, Властíteль, Нача́льник ми́ра, Оте́ц б́дущаго ве́ка, приведе́т бо мир на нача́льники, и здра́вие Егó, и ве́лие нача́льство Егó, и ми́ра Егó несть преде́ла, на престóл Дави́дов и на ца́рство Егó, испра́вити е и заступ́ити е судь-бо́ю и пра́вдою от ны́не и до ве́ка. Рéвность Гóспода Савао́фа сотвори́т сия́.**

Диакон: **Премúдрость.**

Чтец: **Ко Евре́ем послáния святáго апóстола Па́вла чтéние:**

Диакон: **Вóннем.**

Чтец: **Бра́тие, святы́й и освяща́емии, от Еди́наго вси, ея́же ра́ди вины́ не стыди́тся**

братию нарицати их, глаголя: возвещу Имя Твое братии Моей, посреде Церкви воспою Тя. И паки: Аз буду надеяся Нань. И паки: се Аз и дети, яже Ми дал есть Бог. Понеже убо дети приобщися плоти и крови, и Той приискренне приобщися техже, да смертию упразднит имущаго державу смерти, сиречь диавола, и избавит сих, елицы страхом смерти чрез все житие повинни беша работе. Не от Ангел убо когда приемлет, но от семени Авраамова приемлет; отнюдуже должен бе по всему подобитися братии, да милостив будет и верен первосвященник в тех, яже к Богу, во еже очистити грехи людския. В немже бо пострада, Сам искушен быв, может и искушаемым помощи.

Иерей: Мир ти.

Чтец: И духови твоему.

Диакон: Премудрость, прости, услышим Святаго Евангелия.

Иерей: Мир всем.

Хор: И духови твоему.

Иерей: От Матфея Святаго Евангелия чтение.

Хор: Слава, Тебе, Господи, слава Тебе

Диакон: Вонмем.

Иерей: Отшедшим волхвbm, се Ангел Господень во сне явися Иосифу, глаголя: востав, поими Отроча и Матерь Его, и бежи во Египет, и буди тамо, дондеже реку ти: хощет бо Ирод искати Отрочате, да погубит Е. Он же, востав, поят Отроча и Матерь Его ночью и отыде во Египет. И бе тамо до умертвия Иродова, да сбудется реченное от Господа пророком, глаголющим: от Египта возвах Сына Моего. Тогда Ирод, видев, яко поруган бысть от волхвbm, разгневался zelo и, послав, избй вся дети, сущия в Вифлееме и во всех пределех его, от двою лету и нижайше по времени, еже известно испытат от волхвbm. Тогда сбистся реченное Иеремием пророком, глаголющим: глас в Рае слышан бысть, плачь, и рыдание, и вопль мног. Рахиль плачущися чад своих и не хотяше утешитися, яко не суть. Умершу же Ироду, се Ангел Господень во сне явися Иосифу во Египте, глаголя: востав, поими Отроча и Матерь Его и иди в землю Израилеву: изомроша бо ищущии души Отрочате. Он же, востав, поят Отроча и Матерь Его и прииде в землю Израилеву. Слышав же, яко Архелай царствует во Иудеи вместо Ирода, отца своего, убояся тамо ити. Вест же приемь во сне, отыде в пределы Галилейския. И, пришед, вселися во граде, нарицаемем Назарет. Яко да сбудется реченное пророки, яко Назорей наречется.

По прочтении Евангелия иерей в предшествии диакона и священосца вносит Евангелие в алтарь, осенив им, согласно обычаю, народ крестообразно с амвона. Диакон затворяет царские врата, завеса же остается открытой до отпуста изобразительных.

Чтец: Не предаждь нас до конца Имене Твоего ради, и не разорй завета Твоего, и не отстави милости Твоея от нас Авраама ради, возлюбленного от Тебе, и за Исаака, раба Твоего, и Израиля, святаго Твоего.

ТРИСВЯТОЕ ПО ОТЧЕ НАШ:

Чтец: Святыи Боже, Святыи Крепкий, Святыи Безсмертный, помилуй нас. *(Трижды)*
Слава Отцу и Сыну и Святому Духу, и ныне и присно и во веки веков. **Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь.

КОНДАК ПРЕДПРАЗДНСТВА, ГЛАС 3:

Хор: Дева днесь Превечное Слово в вертепе грядет родити неизреченно: ликуй, вселенная, услышавши, прослави со Ангелы и пастырьми хотящаго явитися Отроча Младо, Превечнаго Бога.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагодетелю, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправь живот наш к заповедем Твоим, души наша освяти, телеса очисти, помышления исправь, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. (Трижды)

Слава Отцу, и Сыну, и Святому Духу и ныне, и присно, и во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Боже, Ущедри ны и благослови ны, просвети лице Твое на ны и помилуй ны.

Чтец: Аминь.

Владыко Господи, Иисусе Христэ, Боже наш, долготерпелый о наших согрешениях и даже до нынешняго часа приведый нас, в оньже, на Животворящем Древе вися, благоразумному разбойнику иже в рай путесотворил еси вход и смертию смерть разрушил еси: очисти нас, грешных и недостойных раб Твоих, согрешихом бо и беззаконновахом и несмы достойни возвести

очеса́ наша и воззрѣти на высотѹ Небѣсную, зане́ оставихом путь правды Твоея́ и ходихом в воляхъ серде́ц наших. Но мо́лим Твою́ безме́рную бла́гость: пощади́ нас, Го́споди, по мно́жеству ми́лости Твоея́, и спаси́ нас И́мене Твоего́ ра́ди свята́го, я́ко исчезо́ша в суетѣ́ днѣе́ наши, изми́ нас из руки́ сопроти́внаго, и оста́ви нам грехи́ наша, и умертви́ плотско́е наше мудрова́ние, да, ве́тхаго отложѣ́вше челове́ка, в но́ваго облеще́мся и Тебе́ поживе́м, нашему́ Влады́це и Благоде́телю. И та́ко, Твои́м послѣдующе́ повеле́нием, в ве́чный поко́й дости́гнем, иде́же есть всехъ веселя́щихся жили́ще. Ты бо еси́ вои́стинну и́стинное весе́лие и ра́дость любя́щих Тя, Христѣ́ Бо́же наш, и Тебе́ сла́ву возсыла́ем со Безнача́льным Твои́м Отце́м, и Пресвяты́м, и Благо́м, и Животворя́щим Твои́м Ду́хом, ны́не, и прѣ́сно, и во ве́ки веко́в, ами́нь.

По заключительной молитве 9-го часа начинается чтение изобразительных.

ЧИН ИЗОБРАЗИТЕЛЬНЫХ.

Изобразительны читаются скоро

ПСАЛО́М 102:

Чтец: **Благослови́, душе́ моя́, Го́спода, и вся́ вну́тренняя́ моя́ И́мя свято́е Его́. Благослови́, душе́ моя́, Го́спода и не забыва́й всехъ воздая́ний Его́. Очища́ющаго вся́ беззако́нныя твоя́, исцеля́ющаго вся́ неду́ги твоя́. Избавля́ющаго от истле́ния живо́т твой, венча́ющаго тя ми́лостию и щедро́тами. Исполня́ющаго во благо́хъ желáние твоѐ, обновѣ́тся, я́ко о́рля, ю́ность твоя́. Творя́й ми́лостыни Го́сподь и судьбу́ всемъ обидѣ́мым. Сказа́ пути́ Своя́ Моисе́ови, сыновомъ Изра́иловымъ хотѣ́ния Своя́. Щедр и ми́лостив Го́сподь, долготерпели́в и многомѣ́лостив. Не до конца́ прогне́вается, ниже́ в векъ враждует. Не по беззако́нию нашему́ сотвори́л есть намъ, ниже́ по грехомъ нашимъ воздалъ есть намъ. Я́ко по высотѣ́ Небѣ́сней от земли́, утверди́л есть Го́сподь ми́лость Свою́ на боя́щихся Его́. Ели́ко отстоя́т востóцы от запа́д, уда́лил есть от насъ беззако́нныя наша́. Я́коже ще́дрит отѣ́ц сы́ны, ущедри́ Го́сподь боя́щихся Его́. Я́ко Той позна́ создáние наше́, помяну́, я́ко персть, есмь́. Челове́к, я́ко трава́, днѣе́ его́, я́ко цветъ сѣ́льный, та́ко оцвете́т. Я́ко духъ прóйде в немъ, и не бóдет, и не позна́ет ктому́ мѣ́ста своего́. Ми́лость же Го́сподня от ве́ка и до ве́ка на боя́щихся Его́. И прав́да Его́ на сынѣ́х сынóв, храня́щихъ заветъ́ Его́ и по́мнящихъ за́поведи́ Его́ творѣ́ти я. Го́сподь на Небеси́ угото́ва престóл Свой, и Цáрство́ Его́ все́ми облада́ет. Благослови́те Го́спода, вси́ А́нгели́ Его́, си́льнии крѣ́постию, творя́щии сло́во Его́, услы́шати гласъ словѣ́с Его́. Благослови́те Го́спода, вся́ си́лы Его́, слуги́ Его́, творя́щии во́лю Его́. Благослови́те Го́спода, вся́ дела́ Его́, на вся́комъ мѣ́сте Влады́чества́ Его́; благослови́, душе́ моя́, Го́спода.**

Сла́ва Отцу́ и Сы́ну и Свято́му Ду́ху.

Псалом 145:

Хвали, душе моя, Господа, восхваляю Господа в животе моем. Пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою, в той день погибнут вся помышления Его. Блажен, емуже Бог Иаковль помощник его, упование его на Господа Бога своего, сотворшаго Небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя, Господь умудряет слепцы, Господь возводит низверженныя, Господь любит праведники, Господь хранит пришельцы, сира и вдову примет и путь грешных погубит. Воцарится Господь во век, Бог Твой, Сионе, в род и род.

И ныне и присно и во веки веков. Аминь.

Единородный Сыне и Слове Божий, Безсмертен Сый и изволивый спасения нашего ради воплотиться от Святыя Богородицы и Приснодевы Марии, непреложно вочеловечивыйся, распныйся же, Христэ Боже, смертию смерть поправый, Един Сый Святыя Троицы, прославляемый Отцу и Святому Духу, спаси нас.

Чтец: **Во Царствии Твоем помяни нас, Господи, егда приидеши, во Царствии Твоем.**
Блажени нищии духом, яко тех есть Царство Небесное.
Блажени плачущии, яко тии утешатся.
Блажени кротции, яко тии наследят землю.
Блажени алчущии и жаждущии правды, яко тии насытятся.
Блажени милостивии, яко тии помиловани будут.
Блажени чистии сердцем, яко тии Бога узрят.
Блажени миротворцы, яко тии сынове Божии нарекутся.
Блажени изгнани правды ради, яко тех есть Царство Небесное.
Блажени есте, егда поносят вам, и изженут, и рекут всяк зол глагол на вы, лжуще Мене ради.

Радуйтесь и веселитесь, яко мзда ваша многа на Небесех.

Слава Отцу и Сыну и Святому Духу и ныне и присно и во веки веков. Аминь.

Помяни нас, Господи, егда приидеши, во Царствии Твоем.

Помяни нас, Владыко, егда приидеши, во Царствии Твоем.

Помяни нас, Святыи, егда приидеши, во Царствии Твоем.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Приступите к Немю и просветитесь, и лица ваша не постыдятся.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Слава Отцу и Сыну и Святому Духу.

Лик святых Ангел и Архангел со всеми Небесными силами поёт Тя и глаголет: Свят, Свят, Свят Господь Саваоф, исполнь Небо и земля славы Твоея.

И ныне и присно и во веки веков. Аминь.

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении, вся нам прости, яко Благ и Человеколюбец.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, яко же и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святого Духа, ныне и присно и во веки веков.

Чтец: Аминь.

Хор или чтец: **КОНДАК ПРЕДПРАЗДНСТВА, ГЛАС 3:**

Дева днесь Превечное Слово/ в вертепе грядёт родити неизреченно:/ ликуй, вселенная, услышавши, прослави со Ангелы и пастырьми/ хотящаго явитися Отроча Младо, // Превечнаго Бога.

Чтец: Господи, помилуй. *(40 раз)*

МОЛИТВА:

Чтец: Всесвятая Троице, Единосущная Державо, Нераздельное Царство, всех благих Вина: благоволи же и о мне, грешнем, утверди, вразуми сердце мое и всю мою отыми скверну. Просвети мою мысль, да вину славлю, пою, и поклоняюся, и глаголю: Един Свят, Един Господь, Иисус Христос во славу Бога Отца, аминь.

Диакон: Премудрость.

Хор: Достойно есть, яко воистину,/ блажити тя Богородицу,/ присноблаженную и пренепорочную, // и Матерь Бога нашего.

Иерей: Пресвятая Богородице, спаси нас.

Хор: Честнейшую Херувим/ и славнейшую без сравнения Серафим,/ без истления Бога Слова рождшую, // сущую Богородицу Тя величаем.

Иерей: Слава Тебе, Христе Боже, Упование наше, слава Тебе.

Хор: Слава, и ныне. Господи, помилуй. *(Трижды)* Благослови.

ОТПУСТ:

(НА АМВОНЕ ПРИ ЗАКРЫТЫХ ЦАРСКИХ ВРАТАХ)

Иерей: Христос Истинный Бог наш, молитвами Пречистой Своей Матере и всех святых, помилует и спасет нас, яко Благ и Человеколюбец.

МНОГОЛѢТИЕ:

Хор: Великаго Господина и Отца нашего **Кирилла**,/ Святѣйшаго Патрiарха Московскаго и всея Руси,/ и Господина нашего (**Высоко-**) Преосвященнейшаго (**имярек**),/ (**архи-**)епiскупа (**митрополита (титул)**),/ богохранимую страну нашу Россiйскую,/ настоятеля, брaтию и прихожан святаго храма сего/ и вся православыя христiаны,// Господи, сохрани их на многая лета.

По установившейся церковной практике, сразу после отпуста изобразительных совершается Литургия свт. Василия Великого, которая начинается великой вечерней.

ВЕЛИКАЯ ВЕЧЕРНЯ В СОЕДИНЕНИИ С ЛИТУРГИЕЙ ВАСИЛИЯ ВЕЛИКОГО:

Диакон: Благословi, владыко.

Иерей: Благословено Царство Отца и Сына и Святаго Духа, ныне и присно и во веки веков.

Хор: Аминь.

Чтец: Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

ТРИСВЯТОЕ ПО ОТЧЕ НАШ:

Чтец: Святый Боже, Святый Крепкий, Святый Безсмертный, помилуй нас. (*Трижды*)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (*Трижды*)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь. Господи, помилуй. (*12 раз*)

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

ПСАЛОМ 103:

Благословi, душе моя, Господа. Господи, Боже мой, возвеличился еси зело. Во исповедание и в велелепоту облeклся еси. Одейся светом, яко ризою,

простираяя небо, яко кожу. Покрываяя водами превыспрення Своя, полагаая облаки на восхождение Свое, ходая на крилу ветреню. Творяя Ангелы Своя духи и слуги Своя пламень огненный. Основаяя землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяя источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяя горы от превыспренных Своих, от плода дел Твоих насытится земля. Прозябаяя траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отврзшу Тебе руку всяческая исполнятся благности, отвращшу же Тебе лице, возмьются, отымеши дух их, и исчезнут, и в персть свою возвратятся. Послеша Духа Твоего, и созиждутся, и обновishi лице земли. Буди слава Господня во веки, возвеселится Господь о делех Своих, призираая на землю, и творая ю трястися, прикасайся горам, и дымятся. Воспою Господеву в животe моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.

Аллилуия, аллилуия, аллилуия, слава Тебе, Боже. (Трижды)

ВЕЛИКАЯ ЕКТЕНИЯ:

Диакон: Мiром Господу помoлимся.

Хор: Господи, помилуй.

Диакон: О Свѣшнем мiре и спасѣнии душ наших, Господу помoлимся.

О мiре всего мiра, благостоянии Святѣхъ Божиихъ Церквей и соединѣнии всех, Господу помoлимся.

О святѣмъ храмѣ сем и с вѣрою, благоговѣнием и страхомъ Божиимъ входящихъ вонь, Господу помoлимся.

О великомъ Господiне и Отцѣ нашемъ Святѣйшемъ Патриархе **Кириллѣ**, и о Господiне нашемъ, Высокопреосвященнейшемъ митрополитѣ (*или:* архиепископѣ, *или:* преосвященнейшемъ епископѣ *имярек*), честномъ пресвитерствѣ, во Христѣ диаконствѣ, о всемъ причтѣ и людехъ, Господу помoлимся.

О Богохранимѣй странѣ нашей, властѣхъ и вoинствѣ ея, Господу помoлимся.

О градѣ сем (*или* о вѣси сей), всякомъ градѣ, странѣ и вѣрою живущихъ в нихъ, Господу помoлимся.

О благорастворѣнии воздѣховъ, о избoбiлии плодовъ земныхъ и временехъ мирныхъ, Господу помoлимся.

О плывающихъ, путешѣствующихъ, недугующихъ, страждущихъ, плененныхъ и о спасѣнии ихъ. Господу помoлимся.

О избавитися намъ отъ всякаго скорби, гнѣва и нѣжды, Господу помoлимся.

Заступи, спаси, помилуй и сохрани насъ, Бoже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодѣву Марию, со всеми святѣми помянувши, сами себѣ и другъ друга, и весь живoтъ нашъ Христѣ Бoгу предадимъ.

Хор: Тебѣ, Господи.

Иерей: Яко подобаетъ Тебѣ всякая слава честь и поклонѣние, Отцѣ и Сынѣ и Святѣму Дѣху, нынѣ и присно и во вѣки вѣковъ.

Хор: Амiнь.

ГОСПОДИ, ВОЗВѢХЪ, ГЛАС 2:

Хор: Господи, возвѣхъ к Тебѣ, услыши мя./ Услыши мя, Господи./ Господи, возвѣхъ к Тебѣ, услыши мя:/ вонми гласу молѣния моего,/ вневгда возвѣати ми к Тебѣ.// Услыши мя, Господи.

Да исправится молитва моя,/ яко кадило предъ Тобою,/ воздеяние руку мою/ – жертва вечерняя.// Услыши мя, Господи.

Стихиры праздника, глас 2 самогласны:

На 8. Стих: Изъ глубины возвѣхъ к Тебѣ, Господи,// Господи, услыши глас мой.

Стихира: Приидите, возрадуемся Господеви,/ настоящую тайну сказующе:/ средостѣние градежа разрушися,/ пламенное оружье плещи даѣт,/ и Херувимъ отступаетъ отъ дрѣва жизни,/ и азъ райския пищи причащаюся,/ отъ негоже произгнанъ быхъ преслушания ради;/ неизменный бо образъ Отѣчь,/ образъ присносущия Егo, зракъ раба приемлетъ,/ отъ Неискусобрачнаго Матере прошѣдъ,/ не предложѣние претерпѣвъ, еже бо бе пребысть, Богъ Сый истиненъ,/ и еже не бе приятъ, Человѣкъ бывъ человеколюбия ради.// Тому возопиймъ: рождѣйся отъ Дѣвы Бoже, помилуй насъ.

Стих: Да будутъ уши Твои// внемлюще гласу молѣния моего.

Стихира: Приидите, возрадуемся Господеви,/ настоящую тайну сказующе:/ средостение градежа разрушися,/ пламенное оружие плещи дает,/ и Херувим отступает от древа жизни,/ и аз райския пищи причащаюся,/ от негоже произгнан бых преслушания ради;/ неизменный бо образ Отечь,/ образ присносущия Его, зрак раба приемлет,/ от Неискусобрачныя Матере прошед,/ не преложение претерпев, еже бо бе пребысть, Бог Сый истинен,/ и еже не бе прият, Человек быв человеколюбия ради.// Тому возопийм: рождейся от Девы Боже, помилуй нас.

На 6. Стих: **Аще беззакония назириши, Господи, Господи, кто постоит?// Яко у Тебѣ очищение есть.**

Стихира: Господу Иисусу рождшуся от Святыя Девы,/ просветишася всяческая:/ пастырем бо свиряющим и волхвом покланяющимся,/ Ангелом воспевающим,// Ирод мятешся, яко Бог во плоти явися, Спас душ наших.

Стих: **Имене ради Твоего потерпѣх Тя, Господи, потерпѣ душа моя в слово Твое,// упова душа моя на Господа.**

Стихира: Господу Иисусу рождшуся от Святыя Девы,/ просветишася всяческая:/ пастырем бо свиряющим и волхвом покланяющимся,/ Ангелом воспевающим,// Ирод мятешся, яко Бог во плоти явися, Спас душ наших.

На 4. Стих: **От стражи утренния до нощи, от стражи утренния,// да уповаѣт Израиль на Господа.**

Стихира: Царство Твое, Христѣ Божѣ, Царство всех веков,/ и Владычество Твое во всяком роде и роде,/ воплотивыйся от Духа Святаго и от Приснодевы Марии вочеловечивыйся,/ свет нам возсия, Христѣ Божѣ, Твое пришествие;/ Свет от Света, Отчее сияние,/ всю тварь просветил еси,/ всякое дыханіе хвалит Тя./ Образ славы Отчия, Сый, и прежде Сый,// и возсиявый от Девы, Божѣ, помилуй нас.

Стих: **Яко у Господа милость, и многое у Него избавление,// и Той избавит Израиля от всех беззаконий его.**

Стихира: Царство Твое, Христѣ Божѣ, Царство всех веков,/ и Владычество Твое во всяком роде и роде,/ воплотивыйся от Духа Святаго и от Приснодевы Марии вочеловечивыйся,/ свет нам возсия, Христѣ Божѣ, Твое пришествие;/ Свет от Света, Отчее сияние,/ всю тварь просветил еси,/ всякое дыханіе хвалит Тя./ Образ славы Отчия, Сый, и прежде Сый,// и возсиявый от Девы, Божѣ, помилуй нас.

На 2. Стих: **Хвалите Господа вси языцы,// похвалите Его вси людие.**

Стихира: **Что** Тебѣ принесѣм, Христѣ, яко явился еси на земли яко Человѣк нас ради?/
Каждо бо от Тебѣ бывших тварей благодарение Тебѣ приносит:/ Ангели –
пение; небеса – звезду;/ волсви – дары; пастырие – чудо;/ земля – вертеп; пус-
тыня – ясли;/ мы же – Матерь Деву.// Иже прежде век, Боже, помилуй нас.

Стих: **Яко утвердися милость Его на нас, // и истина Господня пребывает во век.**

Стихира: **Что** Тебѣ принесѣм, Христѣ, яко явился еси на земли яко Человѣк нас ради?/
Каждо бо от Тебѣ бывших тварей благодарение Тебѣ приносит:/ Ангели –
пение; небеса – звезду;/ волсви – дары; пастырие – чудо;/ земля – вертеп; пус-
тыня – ясли;/ мы же – Матерь Деву.// Иже прежде век, Боже, помилуй нас.

Слава Отцу, и Сыну, и Святому Духу, и ныне, и присно, и во веки веков Аминь.

Августу единоначальствующу на земли,/ многоначалие человеков пре-
ста;/ и Тебѣ вочеловѣчшуся от Чистыя,/ многобожие идолов упразднися,/
под едином царством мирским гради быша,/ и во Едино Владычество Боже-
ства языцы вероваша./ Написашася людие повелением кесаревым,/ напи-
сахомся, вернии, Именем Божества,/ Тебѣ, вочеловѣчшагося Бога нашего.//
Велия Твоя милость, Господи, слава Тебѣ.

Вход с Евангелием:

Диакон: Премудрость, прости.

Свѣте Тихий:

Хор: **Свѣте Тихий** святѣя славы Безсмертнаго Отца Небеснаго, Святаго, Бла-
женнаго, Иисусе Христѣ! Пришедше на запад солнца, видевше свет вечерний,
поем Отца, Сына и Святаго Духа, Бога. Достойн еси во вся времена пет бити
гласы преподобными, Сыне Божий, живот дай; темже мир Тя славит.

Диакон: Вонмем.

Иерей: **Мир** всем.

Хор: **И** духови твоему.

Прокимен дня (четверга), глас 6:

Диакон: Премудрость вонмем. **Прокимен, глас шестый:**
Помощь моя от Господа,/ сотворшаго небо и землю.

Хор: **Помощь** моя от Господа,/ сотворшаго небо и землю.

Диакон: Возведох очи мой в горы, отнюдуже придет помощь моя.

Хор: **Помощь** моя от Господа,/ сотворшаго небо и землю.

Диакон: Помощь моя от Господа,

Хор: **Сотворшаго** небо и землю.

Диакон: Премудрость.

Чтец: **Бытия** чтение.

Диакон: В́нмем

(Из главы 1)

Чтец: В нача́ле сотвори́ Бог Не́бо и зéмлю. Земля́ же бе неvíдима и неустро́ена, и тьма верху́ бéздны, и Дух Бóжий ноша́шеся верху́ воды́. И рече́ Бог: да бу́дет свет. И бысть свет. И ви́де Бог свет, я́ко добро́; и разлучи́ Бог между́ све́том и между́ тьмо́ю. И наре́че Бог свет день, и тьму наре́че но́щь. И бысть ве́чер, и бысть у́тро, день еди́н. И рече́ Бог: да бу́дет твердь посреде́ воды́, и да бу́дет разлуча́ющи посреде́ воды́ и воды́. И бысть та́ко. И сотвори́ Бог твердь; и разлучи́ Бог между́ водо́ю, я́же бе под тве́рдию, и между́ водо́ю, я́же бе над тве́рдию. И наре́че Бог твердь не́бо; и ви́де Бог, я́ко добро́. И бысть ве́чер, и бысть у́тро, день вторы́й. И рече́ Бог: да собере́тся вода́, я́же под небе́сém, в собра́ние еди́но, и да яви́тся су́ша. И бысть та́ко. И собра́ся вода́, я́же под небе́сém, в собра́ния своя́, и яви́ся су́ша. И наре́че Бог су́шу зéмлю и собра́ния вод наре́че моря́. И ви́де Бог, я́ко добро́. И рече́ Бог: да прорасти́т земля́ б́блие травно́е, се́ющее се́мя по ро́ду и по подо́бию, и дре́во плодови́тое, творя́щее плод, е́муже се́мя егó в нем, по ро́ду на землі́. И бысть та́ко. И изнесе́ земля́ б́блие травно́е, се́ющее по ро́ду и по подо́бию, и дре́во плодови́тое, творя́щее плод, е́муже се́мя егó в нем по ро́ду на землі́. И ви́де Бог, я́ко добро́. И бысть ве́чер, и бысть у́тро, день тре́тий.

Диакон: Прему́дрость.

Чтец: Ч́исл чтéние.

Диакон: В́нмем.

(Из главы 24):

Чтец: Бысть Дух Бóжий на Вала́аме и, восприе́м прѣ́тчи своя́, рече́: коль добри́ до́ми твои́, Иа́кове, и ски́ния твоя́, Изра́илю? Я́ко страны́ осеня́ющия, я́ко са́дие при река́х, и я́ко ски́ния, я́же водрузи́ Госпо́дь, и я́ко ке́дри при вода́х. Изы́дет чело́век от се́мене егó, и облада́ет язы́ки мно́гими, и возвы́сится ца́рство егó, и возрасте́т. Бог наста́вит егó из Егѣ́пта, я́ко сла́ву единоро́га егó. Поя́ст язы́ки враг свои́х, и то́лщю их измождѣ́т, и стрела́ми свои́ми устре́лит врага́. Возле́г, почи́, я́ко лев и я́ко ски́мен, кто возста́вит егó? Благословя́щии Тя благослове́ни, и прокли́нающии Тя про́кляти. Возсия́ет звезда́ от Иа́кова, и воста́нет чело́век от Изра́иля, и ссече́т кня́зи Моавѣ́тския, и пленѣ́т вся сы́ны Си́фовы, и бу́дет Едо́м досто́яние, и бу́дет насле́дие Исав враг егó, и Изра́иль сотвори́ кре́пость.

Диакон: Прему́дрость.

Чтец: Проро́чества Михе́ина чтéние.

Диакон: В́нмем

(Из глав 4 и 5):

Чтец: Во днех о́нех глаго́лет Госпо́дь: соберу́ сокруше́нную и отринове́нную прииму́, я́же отринух. И положу́ сотре́нную во оста́нок и отринове́нную в

язык крепок, и воцарится Господь над ними в горе Сионстей от ныне и во веки. И ты, Вифлееме, доме Евфрафов, еда мал еси, еже быти в тысящах Иудовых. Из тебе бо Мне изыдет Старейшина, еже быти в Князя во Израили; и исходи Его из начала, от дней века. Сего ради даст я, до времени раждающия породит, и прочие от братьий Его обратятся к сыном Израилевым. И станет, и узрит, и упасет паству Свою крепостию Господь. И в славе Имене Господа Бога своего пребудут, зане ныне возвеличится даже до конец земли.

Открываются царские врата.

По установившейся практике, зафиксированной в Синодальных нотных изданиях, поются только последние слова тропаря. Поэтому исполнение этих тропарей со стихами совершается в следующем порядке:

Глас 6:

Чтец (возглашает):

Глас шестый: Тайно родился еси в вертепе, но Небо Тя всем проповеда, якоже уста, звезду предлагая, Спасе, и волхвы Ти приведе, верою поклоняющихся Тебе,

Чтец (поет):

С нимиже помилуй нас.

Хор: **С** нимиже помилуй нас.

Чтец: Основания Его на горах святых, любит Господь врата Сиона паче всех селений Иаковлих, преславная глаголашася о Тебе, граде Божий. Помяну Раав и Вавилона, ведущим мя. **И** волхвы Ти приведе, верою поклоняющихся Тебе;

Хор: **С** нимиже помилуй нас.

Чтец: **И** се иноплеменицы, и Тир, и людие Ефиопстии, сии быша тамо. Мати Сион речет: Человек и Человек родился в нем, и Той основа и Вышний. **И** волхвы Ти приведе, верою поклоняющихся Тебе;

Хор: **С** нимиже помилуй нас.

Чтец: Господь повесть в писании людей и князей сих, бывших в нем, яко веселящихся всех жилище в Тебе. **И** волхвы Ти приведе, верою поклоняющихся Тебе;

Хор: **С** нимиже помилуй нас.

Чтец: **Слава Отцу, и Сыну, и Святому Духу.** **И** волхвы Ти приведе, верою поклоняющихся Тебе;

Хор: **С** нимиже помилуй нас.

Чтец: **И ныне, и присно, и во веки веков, аминь.** **И** волхвы Ти приведе, верою поклоняющихся Тебе;

Хор: **С** нимиже помилуй нас.

Чтец (возглашает):

Тайно родился еси в вертепе, но Небо Тя всем проповеда, якоже уста,
звездю предлагая, Спасе, и волхвы Ти приведё, верою поклоняющиеся Тебе;

Чтец (поет):

С нимиже помилуй нас.

Закрываются Царские врата.

Диакон: Премудрость.

Чтец: Пророчества Исаиина чтение.

Диакон: Вонмем.

(Из главы 11):

Чтец: Тако глаголет Господь: изыдет Жезл от корене Иессеова, и Цвет от корене его
взыдет, и почиет на Нем Дух Божий, Дух мудрости и разума, Дух совета и крепости,
Дух ведения и благочестия, Дух страха Божия исполнит Его. Не по славе судит, ниже
по глаголанью обличит, но судит правдою смиренных суд, и обличит правостию
славных землей, и поразит землю словом уст Своих, и Духом устен убиет нечес-
тываго. И будет правдою препоясан по чреслах Своих и истиною обвит по ребром
Своим. Тогда пожирует волк со агнцем, и рысь почиет с козлищем, и телец, и лев, и
юнец вкупе пожируют, и отроча мало поведет их. Телец и лев вкупе пасутся, и вкупе
чада их будут; и лев, яко вол, снесть плёвы. И отроча младо на пещеру аспидску и на
ложе племени аспидска руку возложит. И не сотворят зла, ниже имут погубити ни
единого же на горе святей Моей, занеже наполнися вся земля познати Господа, яко
воде мнозе покрыти моря. И будет в день он корень Иессеев и возстай владети
языки; на него языцы уповают, и будет покой его честь.

Диакон: Премудрость.

Чтец: Пророчества Варухова чтение.

Диакон: Вонмем.

(Из глав 3 и 4):

Чтец: Сей Бог наш, и не приложится ин к Немю. Изобрете всяк путь художества, и даде и
Иакову, отроку Своему, и Израилю, возлюбленному от Него. Посем же на земли явися
и с человеки поживе. Сия книга повелений Божиих, и закон сый во веки; вси, дер-
жащися ея, в живот внидут, оставивши же ю, умрут. Обратися, Иакове, и имися ея.
Пойди к сиянию прямо света ея. Не даждь иному славы твоея и полезных тебе языку
чуждему. Блажени есмы, Израилю, яко угодная Богу нам разумна суть.

Диакон: Премудрость.

Чтец: Пророчества Данийлова чтение

Диакон: Вонмем.

(Из главы 2):

Чтец: Рече Даниил Навуходонóсору: ты, царю, видел еси, и се образ еди́н, образ о́ный вели́к, и обли́чие его́ округло, стоя́ше пред ли́цем твои́м, и видéние его́ стра́шно. Образ, его́же глава́ от злота́ чи́ста; рúце, и пёрси, и мы́шцы его́ сребряны; чре́во и стéгны ме́дяны; го́лени желе́зны; но́зе часть у́бо желе́зна, и часть не́кая скуде́льна. Ви́дел еси́, до́ндеже отто́ржеса ка́мень от горы́ без рук и порази́ образ, на но́ги желе́зные и скуде́льные, и истни́ я до конца́. Тогда́ истни́шася во еди́но скуде́ль, желе́зо, медь, сребро́, злото, и бы́ша, я́ко прах от гумна́ жа́твеннаго, и взят я мно́жество дохнове́ния, и ме́сто не обрётеся им; ка́мень же, порази́мый образ, бысть в го́ру ве́лию и испо́лни всю зéмлю. Сиé есть со́ние, и сказа́ние его́ рече́м пред царём: возста́вит Бог Небе́сный Ца́рство, е́же во ве́ки не истле́ет, и Ца́рство Его́ лю́дем ины́м не оста́вится. И истни́т, и изможди́т вся ца́рствия, и то воста́нет во ве́ки. Имже о́бразом ви́дел еси́, я́ко от горы́ отсече́ся ка́мень без рук и сотры́ скуде́ль, желе́зо, медь, сребро́, злото. Бог вели́кий сказа́ царю́, имже подоба́ет быти по сих, и и́стинно со́ние и ве́рно сказа́ние Его́.

Открываются Царские врата.

Глас 6:

Чтец (возглашает):

Глас шестый: Возсия́л еси́, Христé, от Дéвы, разу́мное Со́лнце Пра́вды, и звезда́ Тя показá в верте́пе, вмеща́ющая Невместима́го. **Волхвы́** наста́вил еси́ на поклонéние Твое́, с ними́же Тя велича́ем:

Чтец (поет):

Жизнода́вче, сла́ва Тебе́.

Хор: **Жизнода́вче, сла́ва Тебе́.**

Чтец: **Госпо́дь воцари́ся, в ле́поту облече́ся, облече́ся Госпо́дь в си́лу и препоя́сая, я́бо утверди́ вселéнную, я́же не подви́жится. Гото́в престо́л Твой отто́ле, от ве́ка Ты еси́. Волхвы́** наста́вил еси́ на поклонéние Твое́, с ними́же Тя велича́ем:

Хор: **Жизнода́вче, сла́ва Тебе́.**

Чтец: **Воздвигóша ре́ки, Го́споди, воздвигóша ре́ки гла́сы своя́. Во́змут ре́ки со́трéния своя́ от гласо́в вод мно́гих. Волхвы́** наста́вил еси́ на поклонéние Твое́, с ними́же Тя велича́ем:

Хор: **Жизнода́вче, сла́ва Тебе́.**

Чтец: **Дивны́ высоты́ морски́я, дивен в высо́ких Госпо́дь. Свидéния Твоя́ уве́ришася зело́: до́му Твоему́ подоба́ет святы́ня, Го́споди, в долготу́ дней. Волхвы́** наста́вил еси́ на поклонéние Твое́, с ними́же Тя велича́ем:

Хор: Жизнодавче, слава Тебѣ.

Чтец: Слава Отцѹ, и Сыну, и Святому Духу. Волхвы наставил еси на поклонение Твое, с нимиже Тя величаем:

Хор: Жизнодавче, слава Тебѣ.

Чтец: И ныне, и присно, и во веки веков, аминь. Волхвы наставил еси на поклонение Твое, с нимиже Тя величаем:

Хор: Жизнодавче, слава Тебѣ.

Чтец (возглашает):

Воссиял еси, Христѣ, от Дѣвы, разумное Солнце Правды, и звезда Ты пока-
за в вертепе, вмещающаяся Невместимаго. Волхвы наставил еси на поклонение Твое, с нимиже Тя величаем:

Чтец (поет):

Жизнодавче, слава Тебѣ.

Закрываются Царские врата.

Диакон: Премудрость.

Чтец: Пророчества Исаиина чтение.

Диакон: Вонмем.

(Из главы 9):

Чтец: Отроча родися нам, Сын, и дадеся нам, Егѡже начальство бысть на раме Егѡ; и нарицается Имя Егѡ: великаго совета Ангел, чуден Советник, Бог Крепок, Властитель, Начальник мѡра, Отец будущаго века, приведет бо мир на начальники, и здравие Егѡ, и велие начальство Егѡ, и мѡра Егѡ несть предела, на престол Давидов и на царство Егѡ, исправити е и заступити е судьбою и правдою от ныне и до века. Ревность Господа Саваофа сотворит сия.

Диакон: Премудрость.

Чтец: Пророчества Исаиина чтение.

Диакон: Вонмем.

(Из глав 7 и 8):

Чтец: Приложѣ Господь глаголати ко Ахазу, глаголя: проси себе знамения у Господа Бога твоего во глубину или в высоту. И рече Ахаз: не имам просити, ниже искусити Господа. И рече Исаия: услышите убо, доме Давидов: еда мал вам труд даяти человеком, и како Господу труд даете? Сего ради даст Господь Сам вам знамение: се Дѣва во чреве примет и родит Сына, и нарекут имя Егѡ Еммануил; масло и мед иматъ снести, прежде неже уведети Ему или изволити лукавое, избрет благое: зане прежде, неже разумети Отрочати благое или злое, отринет лукавая, избрет благое. И рече Господь ко мне: приими себе

світот нов, велик и напиші в нем писалом человеческим, еже скоро пленение сотвори корыстей, настоят бо. И свидетели мне сотвори верны человеки, Урию иерея, и Захарию, сына Варахиина. И приступих ко пророчице, и во чреве прият и роди сына. И рече мне Господь: нарцы имя ему, скоро плени и напрасно испроверзи. Зане прежде, неже разумети отрочати назвати отца или мать, примет силу дамаскову и корысти самарийския прямо царю ассирийскому. С нами Бог, разумейте, языцы, и покарайтесь. Услышите даже до последних земли, могущии, покарайтесь, аще бо паки возможете и паки побеждены будете. И иже аще совет совещаёте, разорит Господь, и Слово, еже аще возглаголете, не пребудет в вас, яко с нами Бог.

Открываются Царские врата.

Диакон: Паки и паки миром Господу помобимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Яко свят еси, Боже наш, и Тебе славу возсылаем, Отцу и Сыну и Святому Духу, ныне и присно.

Хор: Аминь.

Диакон: Господи, спаси благочестивыя.

Хор: Господи, спаси благочестивыя.

Диакон: И услыши ны.

Хор: И услыши ны.

Диакон: И во веки веков.

Хор: Аминь.

ТРИСВЯТОЕ:

Хор: Святыи Боже, Святыи Крепкий, Святыи Бессмертный, помилуй нас. *(Трижды)* Слава Отцу, и Сыну, и Святому Духу, и ныне, и присно, и во веки веков. Аминь. Святыи Бессмертный, помилуй нас.

Святыи Боже, Святыи Крепкий, Святыи Бессмертный, помилуй нас.

Диакон: Вонмем.

Иерей: Мир всем.

Чтец: И духови твоему.

Диакон: Премудрость.

Чтец: Прокимен, глас первый: Господь рече ко Мне: Сын Мой еси Ты, Аз днесь родих Тя.

Хор: Господь рече ко Мне: Сын Мой еси Ты, Аз днесь родих Тя.

Чтец: Проси от Мене, и дам Ти языки, достойные Твое и одержание Твое концы земли.

Хор: Господь рече ко Мне: Сын Мой еси Ты, Аз днесь роди́х Тя.

Чтец: Господь рече ко Мне: Сын Мой еси Ты,

Хор: Аз днесь роди́х Тя.

Диакон: Премудрость.

Чтец: Ко Евреем послания святого Апостола Павла чтение.

Диакон: Вонмем.

(Зачало 303):

Чтец: Многоча́стне и многообра́зне дре́вле Бог, глаго́лавый отце́м во проро́цех. В по-
сле́док дний сих глаго́ла нам в Сы́не, Егóже положи́ наследника́ всем, Имже и ве́ки со-
твори́. И́же Сый сия́ние сла́вы и о́браз Ипостáси Егó, нося́ же вся́ческая глаго́лом си́лы
Своея́, Собо́ю очище́ние сотвори́в грехо́в на́ших, седе одесну́ю Престо́ла вели́чества
на вы́соких. То́лико лу́чший быв А́нгел, е́лико пресла́внее па́че их насле́дствова́ имя.
Кому́ бо рече́ когда́ от А́нгел: Сын Мой еси́ Ты, Аз днесь роди́х Тя; и па́ки: Аз бу́ду Ему́
во Отца́, и Той бу́дет Мне в Сы́на. Егда́ же па́ки вво́дит Перворо́днаго во вселенну́ю,
глаго́лет: и да поклóняются Ему́ вси А́нгели Бо́жии. И ко А́нгелом у́бо глаго́лет: твори́й
А́нгелы Своя́ ду́хи и слуги́ Своя́ огонь паля́щ. К Сы́ну же: престо́л Твой, Бо́же, в век ве́ка,
жезл пра́вости, жезл Ца́рствия Твоего́. Возлюби́л еси́ пра́вду и возненави́дел еси́ без-
зако́ние, сегó ра́ди помáза Тя, Бо́же, Бог Твой е́леем ра́дости па́че прича́стник Твои́х. И
па́ки: в нача́ле Ты, Го́споди, зе́млю основáл еси́, и дела́ руку́ Твоею́ суть небеса́. Та по-
ги́бнут, Ты же пребыва́еши, и вся, я́коже ри́за, обетша́ют, и, я́ко оде́жду, сви́еши их, и
изменя́тся; Ты же то́йжде еси́, и ле́та Твоя́ не оскуде́ют.

Иерей: Мир ти.

Чтец: И ду́хови твоему́.

Диакон: Премудрость.

Чтец: Глас пя́тый: Аллилу́ия, аллилу́ия, аллилу́ия

Хор: Аллилу́ия, аллилу́ия, аллилу́ия

Чтец: Рече́ Господь Го́сподеви моему́: седи́ одесну́ю Мене́, до́ндеже положу́ вра-
ги́ Твоя́ подно́жие ног Твои́х.

Хор: Аллилу́ия, аллилу́ия, аллилу́ия

Чтец: Жезл си́лы по́слет Ти Господь от Си́она.

Хор: Аллилу́ия, аллилу́ия, аллилу́ия

Чтец: Из чре́ва пре́жде денни́цы роди́х Тя, кля́тсЯ Господь и не раска́ется.

Хор: Аллилу́ия, аллилу́ия, аллилу́ия

Диакон: Благослові, владыко, благовестителя святого Апостола и Евангелиста Луки.²

Иерей: Бог, молитвами святого, славного, всехвального Апостола и Евангелиста Луки, да даст тебе глагол благовествующему силою многую, во исполнение Евангелия возлюбленного Сына Своего, Господа нашего Иисуса Христа.

Диакон: Аминь. Премудрость, прости, услышим святого Евангелия.

Иерей: Мир всем.

Хор: И духови твоему.

Диакон: От Луки святого Евангелия чтение.

Хор: Слава Тебе, Господи, слава Тебе.

Диакон: Вонмем.

(Зачало 5):

Диакон: Во днех оных изиде повеление от кесаря Августа написати всю вселенную. Сие написание первое бысть, владыку Сирией Кириною. И идяху вси написатися, кождо во свой град. Взиде же и Иосиф от Галилеи из града Назарета во Иудею, во град Давидов, иже нарицается Вифлеем, зане быти ему от дому и отечества Давидова, написатися с Мариею, обрученною ему Женою, сущою непраздною. Бысть же, егда быша тамо, исполнишася дние родити Ей. И роди Сына Своего первенца, и повит Его, и положи Его в яслех, зане не бе им места во обители. И пастырие беху в тойже стране, бдяще, и стрегуще стражу ночную о стаде своем. И се Ангел Господень ста в них, и слава Господня осия их, и убояшася страхом велиим. И рече им Ангел: не бойтесь, се бо благовествую вам радость велию, яже будет всем людем, яко родися вам днесь Спас, иже есть Христос Господь, во граде Давидове. И се вам знамение: обрящете Младенца повита, лежаща в яслех. И внезапу бысть со Ангелом множество вой Небесных, хвлящих Бога и глаголющих: слава в Вышних Богу, и на земли мир, в человецех благоволение. И бысть, яко отыдоша от них на Небо Ангели, и человецы пастырие реша друг ко другу: прейдем до Вифлеема и видим глагол сей бывший, иже Господь сказа нам. И приидоша, поспешешася, и обретоша Мариам же и Иосифа и Младенец, лежащ во яслех. Видевше же, сказаша о глаголе, глаголанном им о Отрочати Сем. И вси слышавши дивяшася о глаголанных от пастырей к ним. Мариам же соблюдаше вся глаголы сия, слагаючи в сердца Своем. И возвратишася пастырие, славяще и хвляще Бога о всех яже слышаша и видеша, якоже глаголахо бысть к ним.

Хор: Слава Тебе, Господи, слава Тебе.

ЕКТЕНИЯ СУГУБАЯ:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе **Кирилле**, и о Господине нашем Высокопреосвященнейшем митрополите *(или: архиепископе, или: преосвященнейшем епископе **имярек**)*, и всей во Христе братии нашей.

Еще молимся о Богохранимей стране нашей, властех и воинстве ея, да тихое и безмолвное

² По служебнику этот диалог произносится не во всеуслышание в алтаре во время пения Аллилуария, но также распространена практика произнесения этого диалога возгласно после Аллилуария.

жити́е поживе́м во вся́ком благоче́стии и чистоте́.

Еще́ мо́лимся о бра́тиях на́ших, священни́цах, священномона́сах, и всем во Христе́ бра́тстве на́шем.

Еще́ мо́лимся о блаже́нных и приснопа́мятных создате́лах свята́го хра́ма сегó, и о всех преждепочивших отце́х и бра́тиях, зде лежа́щих и повсю́ду, правосла́вных.

Еще́ мо́лимся о ми́лости, жи́зни, ми́ре, здра́вии, спасе́нии, посе́щении, проше́нии и оставле́нии грехо́в рабо́в Бо́жиих настоя́теля, бра́тии и прихо́жан свята́го хра́ма сегó.

Еще́ мо́лимся о плодоно́сящих и доброде́ющих во свята́м и всечестне́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богаты́я ми́лости.

Иерей: **Я́ко Ми́лостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и присно и во ве́ки веко́в.**

Хор: **Ами́нь.**

ЕКТЕНИЯ ОБ ОГЛАШЕННЫХ:

Диакон: Помолите́ся, оглаше́ннии, Господеви.

Хор: **Господи, помилуй.** *(На каждое прошение)*

Диакон: Ве́рнии, о оглаше́нных помóлимся, да Господь помилует их.

Огласи́т их сло́вом истины.

Откры́ет им Ева́нгелие пра́вды.

Соедини́т их свята́й Своёй собóрней и апо́стольстей Це́ркви.

Спаси́, помилуй, заступи́ и сохрани́ их, Бо́же, Твое́ю благода́тию.

Оглаше́ннии, главы ва́ша Господеви приклоните́.

Хор: **Тебе́, Господи.**

Иерей: **Да и ти́и с на́ми сла́вят пречестно́е и вели́коле́ное и́мя Твое́, Отца́, и Сы́на, и Свята́го Ду́ха, ны́не и присно, и во ве́ки веко́в.**

Хор: **Ами́нь.**

ЕКТЕНИЯ ВЕРНЫХ, ПЕРВАЯ:

Диакон: Ели́цы оглаше́ннии, изыди́те, оглаше́ннии, изыди́те, ели́цы оглаше́ннии, изыди́те, да никто́ от оглаше́нных, ели́цы ве́рнии, па́ки и па́ки ми́ром Господу помóлимся.

Хор: **Господи, помилуй.**

Диакон: Заступи́, спаси́, помилуй и сохрани́ нас, Бо́же, Твое́ю благода́тию.

Хор: **Господи, помилуй.**

Диакон: Прему́дрость.

Иерей: **Я́ко подоба́ет Тебе́ вся́кая сла́ва, честь и поклоне́ние, Отцу́, и Сы́ну, и Свято́му Ду́ху, ны́не и присно, и во ве́ки веко́в.**

Хор: **Ами́нь.**

ЕКТЕНИЯ ВЕРНЫХ, ВТОРАЯ:

Диакон: Па́ки и па́ки, ми́ром Господу помóлимся.

Хор: **Господи, помилуй.** *(На каждое прошение)*

Диакон: О свы́шнем ми́ре и спасе́нии душ на́ших, Господу помóлимся.

О ми́ре все́го мира, благостоя́нии свята́х Бо́жиих церквёй и соедине́нии всех, Господу помóлимся.

О свята́м хра́ме сем и с ве́рою, благоговене́нием и стра́хом Бо́жиим входя́щих в о́нь, Господу помóлимся.

О изба́витися нам от вся́кия ско́рби, гне́ва и ну́жды, Господу помóлимся.

Заступи́, спаси́, помилуй и сохрани́ нас, Бо́же, Твое́ю благода́тию.

Хор: **Господи, помилуй.**

Диакон: Прему́дрость.

Иерей: Яко да под державою Твоею всегда храними, Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

ХЕРУВИМСКАЯ ПЕСНЬ:

Хор: Иже Херувимы тайно образуяще и животворящей Троице Трисвятую песнь припевающе, всякое ныне житейское отложим попечение.

ВЕЛИКИЙ ВХОД:

Диакон: Великаго господина и отца нашего **Кирилла**, Святейшаго Патриарха Московскаго и всея Руси, и господина нашего **(Высоко-)** Преосвященнейшаго **(имярек)**, **(архи-)**епископа **(митрополита (титул))**, да помянет Господь Бог во Царствии Своём всегда, ныне и присно, и во веки веков.

Иерей: Преосвященныя митрополиты, архиепископы и епископы, и весь священнический и монашеский чин, и причет церковный, братию святаго храма сего, всех вас, православных христиан, да помянет Господь Бог во Царствии Своём, всегда, ныне и присно, и во веки веков.

Хор: Аминь. Яко да Царя всех подыдем, ангельскими невидимо дориносима чинми. Аллилуиа, аллилуиа, аллилуиа.

ЕКТЕНИЯ ПРОСИТЕЛЬНАЯ:

Диакон: Исполним молитву нашу Господеви.

Хор: Господи, помилуй. *(На каждое прошение)*

Диакон: О предложенных Честных Дарех, Господу помолимся.

О святем храме сем, и с верою, благоговением и страхом Божиим входящих в оны, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Щедротами Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Диакон: Возлюбим друг друга, да единомыслием исповемы.

Хор: Отца, и Сына, и Святаго Духа, Троицу единосущную и нераздельную.

Диакон: Двери, двери, премудростию вонмем.

СИМВОЛ ВЕРЫ:

Люди: Верую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденнаго прежде всех век. Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. **Аминь.**

ЕВХАРИСТИЧЕСКИЙ КАНОН:

Диакон: Станем добре, станем со страхом, вонмем, святое возношение в мире приносити.

Хор: Милость мира, жертву хваления.

Иерей: Благодать Господа нашего Иисуса Христа, и любви Бога и Отца, и причастие Святаго Духа, буди со всеми вами.

Хор: И со духом твоим.

Иерей: Горé³ имеем сердца.

Хор: И мамы ко Господу.

Иерей: Благодарим Господа.

Хор: Достойно и праведно есть поклоняться Отцу и Сыну, и Святому Духу, Троице единосущней и нераздельней.

Иерей: Победную песнь поюще, вопиюще, взывающе и глаголюще.

Хор: Свят, свят, свят Господь Саваоф, исполнь небо и земля славы Твоея; осанна в вышних, благословен Грядый во имя Господне, осанна в вышних.

Иерей: Дадé святым Своим учеником и апостолом, рек: примите, ядите, сие есть Тело Моё, еже за вы ломимое во оставление грехов.

Хор: Аминь.

Иерей: Дадé святым Своим учеником и апостолом, рек: пейте от нея вси, сия есть Кровь Моя Новаго Завета, яже за вы и за многия изливаемая, во оставление грехов.

Хор: Аминь.

Иерей: Твоя от Твоих Тебé приносяще, о всех и за вся.

³ Горé = к Горнему, духовному, ввысь

Хор: Тебѣ поѣм, Тебѣ благословимъ, Тебѣ благодаримъ, Господи, и молимъ Ти ся, Божѣ нашъ.

Иерей: Изрядно о Пресвятѣй, Пречистей, Преблагословенней, Славней Владычице нашей Богородице и Приснодѣве Марии.

ВМѢСТО ДОСТОЙНО ЕСТЬ:

О Тебѣ радуется, Благодатная всякая тварь, / Ангельский собор и человеческий род, / освященный храмъ и раю словесный, / девственная похвало, / из Неяже Бог воплотился, / и Младенецъ бысть, прежде векъ Сый Богъ нашъ: / ложесна бо Твоя престолъ сотвори / и чрево Твое пространство Небесъ содела. // О Тебѣ радуется, Благодатная, всякая тварь, слава Тебѣ.

Иерей: В первыхъ помяни, Господи, великаго господина и отца нашего Кирилла, Святѣйшаго Патриарха Московскаго и всея Руси, и господина нашего *(Высоко-)* Преосвященнейшаго *(имярек)*, *(архи-)*епископа *(митрополита (титул))*, ихже даруй святымъ Твоимъ церквамъ, в мире, цѣлыхъ, честныхъ, здравыхъ, долгоденствующихъ, право правящихъ слово Твоея истины.

Хор: И всехъ, и вся.

Иерей: И даждь намъ едиными усты и единомъ сердцемъ славити и воспевати пречестное и великолѣпое имя Твое, Отца, и Сына, и Святаго Духа, ныне и присно, и во веки вековъ.

Хор: Аминь.

Иерей: И да будутъ милости великаго Бога и Спаса нашего Иисуса Христа со всеми вами.

Хор: И со духомъ твоимъ.

ЕКТЕНИЯ ПРОСИТЕЛЬНАЯ:

Диакон: Вся святѣя помянувши, паки и паки миромъ Господу помолимся.

Хор: Господи, помилуй. *(На каждое прошение)*

Диакон: О принесенныхъ и освященныхъ Честныхъ Дарехъ, Господу помолимся.

Яко да человеколюбецъ Богъ нашъ, приемъ я во святѣй и пренебесный и мысленный Свой жертвенникъ, воню благоуханія духовнаго, возниспослетъ намъ Божественную благодать и даръ Святаго Духа, помолимся.

О избавитися намъ отъ всякия скорби, гнѣва и нужды, Господу помолимся.

Заступи, спаси, помилуй и сохрани насъ, Божѣ, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа просимъ.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душъ и телесъ нашихъ, у Господа просимъ.

Прощения и оставления греховъ и прегрешений нашихъ у Господа просимъ.

Добрыхъ и полезныхъ душамъ нашимъ и мира миру у Господа просимъ.

Прочее время живота нашего в мире и покаянии скончати у Господа просимъ.

Христианския кончины живота нашего, безболѣзненны, непостыдны, мирны и добраго отвѣта на Страшномъ Судищи Христовѣ просимъ.

Соединение веры и причастие Святаго Духа испросивше, сами себя, и другъ друга, и весь животъ нашъ Христу Богу предадимъ.

Хор: Тебѣ, Господи.

Иерей: И сподоби насъ, Владыко, со дерзновениемъ, неосужденно смѣти призывати Тебѣ, небеснаго Бога Отца, и глаголати:

МОЛИТВА ГОСПОДНЯ:

Люди: Отче наш, Иже еси на небесех, да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы ваша Господеви приклоните.

Хор: Тебе, Господи.

Иерей: Благодатию, и щедротами, и человеколюбием Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Аминь.

Диакон: Вонмем.

Иерей: Святая святым.

Хор: Един свят, / един Господь, / Иисус Христос, / во славу Бога Отца. / Аминь.

ПРИЧАСТЕН:

Хвалите Господа с Небес, хвалите Его в Вышних. Аллилуия. *(Трижды)*

ПРИЧАСТИЕ:

Диакон: Со страхом Божиим и верою приступите.

Хор: Благословен Грядый во имя Господне, Бог Господь и явися нам.

Иерей: Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. Аминь. Вечери Твоея тайныя днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем. Да не в суд или во осуждение будет мне причащение Святых Твоих Таин, Господи, но во исцеление души и тела.

Во время Причащения людей:

Хор: Тело Христово примите, Источника безсмертнаго вкусите.

После Причащения людей:

Хор: Аллилуия, аллилуия, аллилуия.

Иерей: Спаси, Боже, люди Твоя, и благослови достояние Твое.

Хор: Видехом свет истинный, / прияхом Духа Небеснаго, / обретохом веру истинную, / нераздельней Троице поклоняемся, // Та бо нас спасла есть.

Иерей: Всегда, ныне и присно, и во веки веков.

Хор: Аминь. Да исполнятся уста наша / хваления Твоего Господи, / яко да поем

сла́ву Твою́,/ я́ко сподо́бил еси́ нас причасти́тися/ Святы́м Твои́м, Бо-
же́ственным, безсме́ртным и животворя́щим Та́йнам,/ соблюди́ нас во Твое́й
святы́ни/ весь день поуча́тися пра́вде Твое́й.// Аллилу́иа, аллилу́иа, аллилу́иа.

ЕКТЕНИЯ ЗАКЛЮЧИТЕЛЬНАЯ:

Диáкон: Прóсти приимше Божественных, святых, пречистых, безсмертных, небесных и животворящих,
страшных Христовых Таин, достойно благодарим Господа.

Хор: Гóсподи, помíлуй.

Диáкон: Заступи́, спаси́, помíлуй и сохрани́ нас, Бóже, Твое́ю благода́тию.

Хор: Гóсподи, помíлуй.

Диáкон: День весь совершён, свят, мирен и безгрешен испросивше, сами себе и друг друга, и весь жи-
вот наш Христу́ Бо́гу преда́дим.

Хор: Тебе́, Гóсподи.

Иерей: Я́ко Ты еси́ освяще́ние на́ше, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не
и прýсно, и во ве́ки веко́в.

Хор: Ами́нь.

Иерей: С миром изы́дем.

Хор: О́ имени Госпо́дни.

Диáкон: Гóсподу помóлимся.

Хор: Гóсподи, помíлуй.

ЗААМВОННАЯ МОЛИТВА:

Иерей: Благоговля́яй благословя́щия Тя, Гóсподи, и освяща́яй на Тя упова́ющия, спаси́ лю́ди Твоя́ и
благослови́ достойние Твое́, исполне́ние Це́ркве Твое́я сохрани́, освяти́ любя́щия благоле́пие до́му
Твоего́: Ты тех возпросла́ви Божественно́ю Твое́ю си́лою, и не оста́ви нас, упова́ющих на Тя. Мир ми-
рови Твоему́ да́руй, це́рквам Твои́м, священником, во́инству и всем лю́дем Твои́м. Я́ко всякое да́ние
бла́го, и всяк дар совершён свýше есть, сходя́й от Тебе́ Отца́ свéтов, и Тебе́ сла́ву, и благодарéние, и
поклонéние возсыла́ем, Отцу́, и Сы́ну, и Свято́му Ду́ху, ны́не и прýсно, и во ве́ки веко́в.

Хор: Ами́нь. Бýди И́мя Госпо́дне благословéно от ны́не и до ве́ка. (Три́жды)

ПСАЛОМ 33:

Хор: Благоговлю́ Гóспода на всякое вре́мя,/ в́ину хвала́ Его́ во устéх мои́х./ О
Гóсподе похва́лится душа́ моя́,/ да услы́шат кро́тцыи, и возвеселя́тся./ Возве-
ли́чите Гóспода со мно́ю,/ и вознесём И́мя Его́ вку́пе./ Взыска́х Гóспода, и ус-
лы́ша мя,/ и от всéх скорбе́й мои́х изба́ви мя./ Приступите́ к Немú, и просве-
тите́ся,/ и лица́ ва́ша не посты́дятся./ Сей ни́щий воззва́, и Госпо́дь услы́ша и,/ и
от всéх скорбе́й его́ спасé и./ Ополчи́тся А́нгел Госпо́день о́крест бо́ящихся Его́,/ и
изба́вит их./ Вкуси́те и ви́дите, я́ко благ Госпо́дь:/ блаже́н муж, и́же упова́ет
Нань./ Бо́йтесь Гóспода, вси́ святии́ Его́,/ я́ко несть лишéния бо́ящимся Его́./ Бо-
га́тии обнища́ша и взалка́ша:/ взыска́ющии же Гóспода не лишáтся вся́каго
бла́га./ Приидите́, ча́да, послу́шайте мене́,/ стра́ху Госпо́дню научу́ вас./ Ктó есть

человек хотя́й живо́т,/ любя́й дни ви́дети бла́ги?/ Удержи́ язы́к твой от зла,/ и устне́ твои́, е́же не глаго́лати лъсти./ Уклоня́йся от зла и сотвори́ благо./ Взыщи́ ми́ра, и поже́ни́и./ О́чи Госпо́дни на пра́ведныя,/ и у́ши Его́ в моли́тву их./ Лице́ же Госпо́дне на творя́щия зла́я,/ е́же потреби́ти от земли́ па́мять их./ Воззва́ша пра́веднии, и Госпо́дь услы́ша их,/ и от всех скорбе́й их изба́ви их./ Близ Госпо́дь сокруше́нных се́рдцем,/ и смире́нныя ду́хом спасе́т./ Мно́ги ско́рби пра́ведным,/ и от всех их изба́вит я́ Госпо́дь./ Храни́т Госпо́дь вся ко́сти их,/ ни еди́на от них сокруши́тся./ Смерть греше́тников люта́,/ и ненави́дящии пра́веднаго прегреша́т./ Изба́вит Госпо́дь ду́ши раб Свои́х,/ и не прегреша́т// вси, упова́ющи на Него́.

Иерей: **Благослове́ние Госпо́дне на ва́с, Того́ благода́тию и человеколю́бием, всегда́, ны́не и при́сно, и во ве́ки веко́в.**

Хор: **Ами́нь.**

Иерей: **Сла́ва Тебе́, Христе́ Бо́же, упова́ние на́ше, сла́ва Тебе́.**

Хор: **Сла́ва, и ны́не. Го́споди, поми́луй. (Три́жды) Благослови́.**

ОТПУ́СТ:

Иерей: **И́же в верте́пе роди́выйся и в я́слех возлегй́, нашего́ ради спасения́, Христос, Истинный Бог наш, молитвами Пречисты́я Свое́я Матере́ и всех святы́х, поми́луе́т и спасе́т нас, яко́ Благ и Человеколюбе́ц.**

По отпу́сте Литургии́ на се́редине хра́ма поставляе́тся горя́щий свети́льник, и около́ него́ изше́дшие из алта́ря священнослужители́ пою́т:

ТРОПА́РЬ ПРА́ЗДНИКА, ГЛАС 4

Духовенство: **Рождество́ Твое́, Христе́ Бо́же наш,/ возсия́ ми́рови свет ра́зума,/ в нем бо звезда́м служа́щии/ звездо́ю уча́хуся/ Тебе́ кла́нятися, Со́лнцу Пра́вды,/ и Тебе́ ве́дети с высоты́ восто́ка.// Го́споди, сла́ва Тебе́.**

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

КОНДА́К ПРА́ЗДНИКА, ГЛАС 3:

Духовенство: **Де́ва днесъ Пресу́щественнаго ражда́ет,/ и земля́ верте́п Непристу́пному прино́сит./ А́нгели с па́стырьми славосло́вят,/ волсви́ же со звездо́ю путеше́ствуют:// нас бо ра́ди роди́ся Отроча́ Мла́до, Преве́чный Бог.**

(ВЕЛИЧАНИЕ НЕ ПОЕТСЯ.)

Только после́ этого́ пою́тся многолетны́:

МНОГОЛÉТИЕ:

Хор: **Вели́каго Госпо́дина и Отца́ нашего́ **Кири́лла**,/ Святе́йшаго Патри́арха Моско́вского и все́я Руси́,/ и Госпо́дина нашего́ (**Высоко-**) Преосвяще́ннейшаго (**имярек**),/ (**архи-**)еписко́па (**митрополита (титул)**),/ богохрани́мую страну́ на́шу Росси́йскую,/ настоя́теля, бра́тию и прихо́жан свята́го хра́ма сего́/ и вся право́сла́вныя христи́яны,// Го́споди, сохрани́ их на мно́гая ле́та.**